

曝書亭集

三

928
ハ
3



曝書亭集卷第五

秀水 朱彝尊 錫鬯

古今詩四

重光赤奮若

元日對雪簡宋孝廉

寶穎

令節他鄉會春盤上客偏亂雲迷禹穴獨鶴語堯年坐下山
陰雪無愁射的玄明朝江口望定有孝廉船

上元南鎮逢蕭鍊師

夏后藏書日時巡到海陬周王經野地作鎮表揚州秩祀由
來重神功未易酬河山維十道封爵視諸侯碧瓦雲旗繞香
煙石鼎浮笙簫陳里社巫覡醉春秋勝序羣賢至先生靜者
流真形圖五岳遐想結三洲絳縣年須數黃庭義可求終期

御風去長袖挹浮丘

伎席贈王二

松樓竹館映清輝半醉重窺玉女扉我欲傳杯杯不放落花如雪滿春衣

山陰雨霽同楊大

春華

游郊外飲朱廿二士稚墓下

簞醪河邊閒杖藜道逢酒伴相招攜醉向南鄰抱被宿際曉不聽天雞啼醒來忽驚海日出披衣却步無東西殘流小草水泱泱舍南舍北猶春泥揚雲不曉事要我登會稽香爐乍見紫煙起石簣尚有陰雲低坐我石橋上影落橋下溪笑看屐齒折未得凌丹梯敝車羸馬寒食下感念同游淚盈把新鬼今從故鬼鄰百年誰是長年者我今持杯一勸君有酒且對劉伶墳從教浣女溪頭曲并入山陽笛裏聞

侯山讌集

山係晉孔愉所居

侯山山上放龜臺百尺紅亭鏡裏開試向花源齊列坐何如蘭渚遠浮杯巡檐浦樹迎人出卷幔洲禽拂席迴我欲臨風歌一曲起行松月重徘徊

蘭亭行贈朱大

士曾

右軍三十三修禊蘭亭中一書蘭亭序天矯宛若天門龍我今生年與之同秋蛇春蚓百不工竭來山陰道柳青桃復紅車如雞栖馬如狗空使林泉落吾手朝來蠟屐思入山雨急風顛重回首吾宗顙也書絕倫頻過論書仍論文臨池就我一題扇世上俗學徒紛紛持觴勸君且傾倒晴日今年去年少曲水東流不待人春風吹徧蘭亭草

梅市訪祁七明府

熊佳

留贈公子

誠孫

因憶亡友朱

出郭試尋梅福市臨流不減仲長園白花結實垂垂綻紅藥
當階故故翻公子風流能愛客君家兄弟數開樽重憐舊日
同游少腸斷空山聽曉猿

山陰苦雨酬謝處士

孔淵

坐見天公笑何時后土乾游人三月罷煙樹六陵攢苦雨同
張協佳書報謝安濠梁有高興春水更宜看

與朱二十九

驛元

約過楊大

春華

三江村居

獨樹原頭盡三江牖口深聞君理舟楫許我共招尋美醞千
花露生魚一寸鉞鼉峰如可望試作水仙吟

贈祁七

數

曹娥江上草初齊謝傅堂前日未西碧樹紅泉應有待春來

絲竹正堪攜

贈沈

華

沈生好畫兼好詩昨朝和我春游詞臨風一曲歌未已惱殺
城南輕薄兒城南游女明珠佩青翰舟中時並載生也經營
意匠新纖纖貌出當風帶明眸皓腕倚芳叢修短穠纖思不
同飛燕忽教辭漢殿西施不見入吳宮尤長花鳥工沒骨染
草縈沙細如髮蝴蝶麻姑五色裙蟠桃漢帝千年核新製齊
紈更可憐明朝催送下江船煩君畫作相思樹出入懷中敢
棄捐

彭山即事

誰家三婦艷新妝靜鎖歲蕤春日長一出浣紗行石上飛來
無數紫鴛鴦

重經彭山

猶憶清江舊板橋門前曲水細通潮垂楊不是傷心樹那得
長條更短條

南鎮春游詞

黃衫白帽染緇塵惆悵花時已暮春總向越王城下住扁舟
須負五湖人

同作

蕭山毛奇齡

春船初發白蘋開十里橫塘晚未回南鎮祠前北風起夏
王陵上雨飛來

酬毛十九

奇齡兼寄張五

逝矣三春日蕭然百尺巖知君南浦上朝夕望征帆湖水尊
絲熟櫻桃亂鳥銜歸期今已近好遣報張衫

借曹侍郎

施學使

閩章

徐秀才

姜處士

廷梧張

處士

杉 祁公子

理孫 遊孫

段橋玩月分韻得三字

漠漠孤雲合蒼蒼半嶺含江山攜謝眺風月助劉惔臥柳維
舟數鷺烏繞樹三還同牛渚夜高詠信無慙

同王處士

猷定

施學使

閩章

陸處士

圻

汎舟西湖遇

雨

東風吹落日西下北高峰欲往南屏路中流聽梵鐘迴船沙
岸火驟雨石門松不覺碧雲暮涼煙生幾重

觀海行贈施學使

閩章

吾生空好游五岳未登一玉女青童笑向人問君婚嫁何時
畢揭來四月西湖邊興盡却返山陰船餘杭春酒亦不惡醉
來只向壚頭眠宛陵施夫子貽我觀海篇吳飲會吟不足聽

高張齊瑟絙未絃我歌且謠未終曲風雨秦松振崖谷天雞
叫罷搏桑枝羣飛海水搖空綠東臨傑閣觀蓬萊瀛洲草暖
浮煙開丹田玉闕了可觀空中照曜金銀臺齊三士魯兩生
由來此地才華盛我欲從公問姓名更尋徐市尋仙去親向
蓬萊采藥行

曹侍郎席上送別顧工部

大申

還華亭鄒進士

祇謨

還晉陵

二子將有入都之役

古寺登高盡平湖向晚晴琴書方燕息車騎更逢迎置酒從
曹植同游倦馬卿壺觴無算爵絲竹漸飛聲近地多佳客中
筵忽送行蒼茫浮水國迢遞計王程顧愷名元重鄒陽賦莫
輕曳裾當日異畫壁一時傾皎月衣裳好微風羽扇清潮迴
黃歇浦江入呂蒙城聞有南征士橫行北府兵

時有兵警

河橋分

予處前路苦為情

西湖竹枝詞六首

西子湖平鏡面指雷峰倒影象金釵雲鬟妝就石新婦香草
為裙笥作鞵

山到漣留城下平橋從慶忌塔前橫郎家側近水仙廟可識
水仙王姓名

西曲誰家窈窕孃獨開小店松毛場何年偷得江陵樣織就
女兒黃竹箱

岳王祠外舞臺偏半在湖塘半在田怕值油車蘇小小勸郎
騎馬不如船

養魚莊說養魚肥放鶴亭看放鶴歸妾在鳳凰山下住生來
不見鳳凰飛

湖面蕁絲寸寸長為郎情好作羹湯朝雲吹散峰頭雨日出
團團雞子黃

同作

秀水朱彝鑒千里

段家橋邊湖日陰石新婦下湖水深自從蘇小西陵去松
柏青青直到今

于忠肅公祠

昔在狼山下軍書犯近坳六師輕朔漠萬騎失雷霆土木塵
長滿龍蛇歲不寧豆田沙浩浩黍谷路冥冥濟世須元老長
材總四溟從容持國計指顧悉兵形瑕呂安羣議劉琨表外
廷嗣王仍曆數高廟有神靈既罷金繒款無煩白馬刑北轅
旋翠輦南內啓朱局命已甘刀鑊功真溢鼎銘春秋隆代祀
俎亘肅維馨一自輶車至難期埃火停遺墟愁戰伐大樹日

飄零碧草空祠長黃鸝過客聽霜鐘沉曉月風牖繞明星十
壺誰修冀巫陽數降庭識還思雨帝碑欲墮江亭遠水澄湖
碧流雲暗察青千年華表鶴哀怨此重經

徐吏部

旭

招飲西湖迴舟即事

吳姬纖手抱雲和花下迴船燭下歌此夕綠流思並載愁人
無那月明多

施學使

閩章

招集湖舫

朝騎青驄馬搖鞭似飛燕道逢尺一書要我出芳甸是時孟
夏初澹蕩南風遍天公忽大笑向下生雷電吾黨三五人類
古之狂狷脫我尋山屐登艫接高宴作使平頭奴行廚具豐
膳雙絲白玉餅勸飲嘉魴薦向暝更移舟浮嵐夜頻變平湖
靜無波皎如一疋練恍忽葑田中明滅金牛見左持鸚鵡杯右

把琉璃研一笑問主人何似宣城縣試畫敬亭雲貽予白團扇
由淨慈寺登南屏山絕頂晚憩壑菴精舍

南山色蒼翠宛若屏風張下視湖水深十里浮清光是時溪
雨止霽色開秋陽吳姓蕩兩槳送客上方塘靜聽煙寺鐘忽
落翠微傍綠蘿挂絕壁紫葛懸層岡何盤盤松林蔭巖
日公等皆好游我意雅相匹入洞窺乳泉登崖采蜂蜜失道
蒼耳中蒙茸久方出出谷齊下山遂叩中林關山僧顧我笑
拍手磐石間簷前桂樹白鏡裏荷花殷攀荷坐更遲拂石影
相並愛此精舍間留連日將暝日暝未足愁浮雲蔽崇丘雷
聲驚客聽急櫂迴孤舟

吳山望浙江

一峰高出萬松寒磴道虛疑十八盤近海魚龍吹宿霧中天

日月轉浮瀾風帆岸壓明珠舶仙樹花濃白石壇舊是錦衣
行樂地江山真作霸圖看

湖上贈蘭陵陳生

西泠橋下水清擬惠山流笑問蘭陵客能來釀酒不

寒夜集燈公房聽韓七山人^昌彈琴兼送屈五還羅

浮

韓生燕市來夜向招提宿本是悲歌擊筑人援琴爲鼓清商
曲安絃操縵夜三更良久徘徊不出聲坐使閒心遠方聞逸
響生商風泠泠七絃遍天馬空山忽不見石上爭流三峽泉
平沙亂落瀟湘鴈聞道清商固最悲不如清角更淒其一彈
試奏思歸引再轉重愁雙燕離此時晨鐘猶未撞月露霜華
滿深巷四座無言歎息頻篝燈欲滅風升降羅浮道士思幡

然忽憶朱明舊洞天種得梅花几幾樹泥成丹竈已千年雲
山告歸從此始四百三十二峰裏入海能馴海客鷗攜琴便
駕琴高鯉

夜過曹侍郎容倦圃二首

水泛鴟夷宅沙沉樵李亭昏鐘藏古寺修竹亂明星轉信披
衣慣仍看上馬醒山翁餘興在舉手笑重經

初筵月已上半醉榻頻移罷奏飛龍引長謠猛虎詞

時以虎齧城樂府見

示朱絃清廟瑟若木鄧林枝正喜羊何在明當共和之

時周子質李子

兆漢適在郡

玄默攝提格

真如寺塔重建

舊湧仁王塔今開帝釋宮蜂臺重攬勝龍藏古稱雄歷歷時

地紀高高望未明地猶丞相宅石是上軍功戰火臨城日飛

塵浩劫中魚羊乘乙酉象馬失西東匠訶胡竟巧圖看郭恕

工宣和畫譜郭忠恕經營還故蹟髮髯像新豐點墨遺千界梯

有雪山佛剎圖雲上半空燈前招怖鴿鳥下數歸鴻不有危標建安知寶境

崇火珠將月滿金冶與天通盤峻宜承露幡吹定繞風留題

存片碣高詠後羣公白髮愁辜誕炎威靜祝融伽藍如可記

應比洛陽同

采蓴

湖水清無底蓴絲滑可憐相要三五客采采莫迴船坐恐葑
田合生憎荇帶牽祇應櫻筍配羶臠豈容前

同作

周質

細蔓垂垂弱輕舟箇箇添參差方未已采摘定無嫌入饌

銀絲滑行厨翠釜黏為憐滋味別更下水晶鹽

又

朱彞鑿

四月湖流闊三潭塔影低最嫌絲滑膩易脫掌東西遠水
旋教濯歸舟亦可攜家兄時以瓦盆攜歸長水當筵嗤小陸羊酪詎堪齊

又

秀水鍾淵映廣漢

絲尊先夏摘何苦待秋風入掌蠅蟻溜綠流藻荇同魚苗
盛水滑雉尾落盤空一笑辭僮父何勞蒜果筒

湖上逢楊二給事

雍正

零雨三年別晨風萬里遙川涂思往日舟楫復今朝碧草湖
邊寺青驄渡口橋東山有絲竹知爾定相邀

同楊二給事飲徐給事

惺

舟中二首

集唐

仙侶同舟晚更移嬌歌急管雜青絲相逢苦覺人情好百罰

深杯亦不解

風吹洲渚錦帆開絲管啁啾空翠來此曲祇應天上有須成
一醉習池迴

夏日西湖同曹學士

爾堪

余山人

性汎舟待曹侍郎

溶不至有感舊游愴然於懷作詩二首

翠壑南屏下微風細草薰山雷焚斷塔沙柳拂晴雲白舫朝
朝度清歌處處聞芙蓉如可采相約望夫君

回首憐生事驚心念物華同攜今日酒忽對去年花驟雨翻
青蓋圓珠溜白沙坐看雲色暝餘濕到山家

送曾司理

王孫

之官漢中

韓信臺前冷戰雲漢王城北罷懸軍三秦父老還相語國士
無雙屬使君

西陵感舊

鄴下劉文學陳留蔡議郎後身那再託同調轉堪傷白首憐
金谷青山棄北邙思歸應有夢未許訴巫陽

九日

九日烏程縣天寒菊自花遠山初過鴈淺渚舊平沙歎逝黃
壚隔登高白恰斜重憐故鄉侶載酒問誰家

糲山橋觀漲

重陽連夜雨初日汎層波不上濠梁望安知秋水多淹留攀
橋袖想像駕龜鼉北渚漫愁思佳期奈別何

題峴山窪樽亭

醉殺烏程酒天寒不放船從教騎馬去日日峴山眠

吳興客夜

東武亭邊樹栖鳥夜半啼江清楓葉下天闊鴈行齊不寐仍
杯酒勞生此杖藜誰家米蕨調髣髴度前溪

由碧浪湖汎舟至仁王寺飯向公房

我愛仁王寺來從碧浪湖到門千樹合登閣一峰孤仙梵迷
高下香雲忽有無坐愁風雨至還與飯秋菰

白雀寺

竹徑何年寺松門百丈巖野雲平石磴江日冷楓杉水落青
蓮湧花飛白雀銜五湖看在望生計有蒲帆

對酒酬周賞兄弟

去作西陵別來從下若還慙懃杯酒在試說道場山

送曹侍郎備兵大同二首

司農論議朝端重副相聲名輦下聞豈意尚煩西顧策翻教

暫領朔方軍河邊遠道人千里天外鄉書鴈幾羣到日關城
春色早李陵臺畔柳紛紛

關榆蕭瑟二庭空烽火平安九塞通往日連師驚朔漠只今
市馬互西東黃河天上三城戍畫角霜前萬里風知有馮唐
論將帥不令魏尚久雲中

將之永嘉曹侍郎餞予江上吳客韋二丈爲彈長亭
之曲并吹笛送行歌以贈韋即送其出塞

韋郎舊隸羽林籍曾向營門教吹笛不聽吳中白雪音定呼
鄰下黃鬚客平原相見轉相親置酒誇君坐上賓下若尊壘
朝未罄東山絲竹夜還陳閒來坐我花間奏玉洞飛泉嚮巖
溜古調多傳關馬詞新聲似出康王授問我東行到海孺日
斜江上慘離筵還將北鴈南飛曲催送錢塘楚客船船人欄

鼓津頭江紅果千山當春郭忽作邊秋出塞聲江楓岸柳紛
紛落哀絃任管不堪聽賓御聞之亦涕零挂席遠移嚴子瀨
看山直上謝公亭聞君欲問雲中戍雪消飲馬長城去廣武
營邊折柳時黃瓜阜上題書處司農舊是出羣才此日征西
幕府開試向尊前歌一曲梅花飛徧李陵臺

舟行酬王明府

世顯

君從漢陽來飲我宜城酒酒盡沙頭津吏迎乘潮直泝錢塘
口憶別西陵各惘然東山零雨已三年一朝遠作瀛壖吏千
里重浮夏口船君家兄弟文章在謂孝廉風昔聲名遍湖海
此去題詩孤嶼亭白雲青草遙相待我欲看山到永嘉不辭
蠟屐向天涯謝公正有同舟興相與揚帆采石華

七里瀨經嚴子陵釣臺作

宋謝參軍朝有西臺痛哭記

七里巖陵瀨平生眺覽初江山誰痛哭天地此扶輿竹暗翻
朱鳥灘清數白魚扁舟如可就吾亦釣臺居

蘭溪道中懷遠

近郭開門一水居別來消息近何如銀絲細鱸蘭江鯉不見
佳人錦字書

雙溪

小店雙溪口官橋百尺長登盤魚赤尾入市棗青筐菽乳成
絲細薑牙配鼓良不知前路去何處石爲羊

金華道上夢遊天台歌

吾聞天台山高一萬八千丈石梁遠挂藤蘿上飛流直下天
際來散作哀湍衆山響燭龍銜日海風飄猶是天雞夜半潮
積雨自懸華頂月明霞長建赤城標我向金華問客程蘭谿

谿水自天來
不可拾夢中忽遇皇初平手攜綠玉
杖引我上天台
天台深斷行路亂石如羊紛可數忽作哀
援四面啼青林綠篠那相顧我欲吹簫駕孔鸞瑤臺十二碧
雲端入林木愁蒼徑滑到面但覺松風寒松門之西轉清曠
桂樹蒼蒼石壇上雲縹玉洞展雙扉二女明妝儼相向粲然
啓玉齒對客前致詞昨朝東風來吹我芳樹枝山桃花紅亦
已落問君采藥來何遲曲房置酒張高宴芝草胡麻迭相勸
不記仙源路易迷樽前只道長相見覺來霜月滿城樓恍忽
天台自昔遊仍憐獨客東南去不似雙溪西北流

黃龍寺

黃龍隘口黃龍寺法鼓空林十里聞故老尚談元總管成功
實倚耿將軍蕭條象馬金輪地寂寞山河鐵券文古往今來

意無限仙壇瑤草幾斜曛

蔣廣文

薰

留飲縉雲學舍為談仙都之勝

軒后丹砂就乘龍上紫清不知滄海畔亦有鼎湖名故人家
住梅溪上渡口扁舟日來往一別柴門已二年看山忽作仙
都長要予松下飯胡麻言自仙都道士家時有仙童來海市
或看玉女載河車一朝風雨青天注馬跡龍鼻不知處蓮花
一片天上來從風飄落東陽去東陽游女弄潺湲素舸緣流
濯足還笑拾飛花看不足當歌明月出雲間廣文先生居四
壁青山無數堂階側采藥曾迷阮客蹤窪樽舊是陽冰宅君
去仙都訪道書金龍玉簡定何如他時儻入神仙窟攜手同
騎白鯉魚

縉雲雜詩十首

隱吏昔山棲留題有真跡將尋奇人結茅看青壁

窪樽石

不用青荷葉何須白玉杯窪樽山上石醉客有千迴

忘歸臺

連山積翠深白石空林廣落景不逢人長歌自來往

羅鷗灘

灘上羣鷗鳥還應日日來來時看野老百過莫相猜

天際樓

蔣廣文薰
讀書處

高樓上浮雲故人曾此住何處問歸舟惟見雲中樹

西巖

朝聞谷口援暝宿崖上月夜久天風吹西巖桂花發

惡谿

惡谿無行舟高下惟亂石谿中玳瑁魚可以薦嘉客

仙巖寺

咫尺仙巖寺雲峰望轉親夕陽鐘磬發猶有未歸人

積翠亭

孤亭雲木暝衆壑哀猿嘯空翠濕衣裳夕陽忽來照

桂山

蒼蒼桂之樹樹下幽人語山中正可留惆悵王孫去

繇丹楓驛曉行大雪度青雲嶺桃花隘諸山暮投麗

水舟中三首

曉發丹楓驛微茫出遠郊月斜吹積雪風急燒黃茅斷嶺羊腸折寒沙虎跡交軍麾猶未靖何處得安巢

隘口屯師日功臣汗馬勞隘口此石空山無赤幟廢壘但黃蒿亂插繇花盡千盤細路高繇來設險地未必盡神皋

峻嶺行還出愁人跡轉孤飢寒催暮日風雪遍窮途土鏗須同燎金刀可剩沽莫辭舟楫小今夜宿江湖

石門懷古寄諸大

九鼎

石門山中瀑布水奔流直下青雲裏晴日遙看細雨飄中林近見微風起謝公當日此山棲晞髮陽阿路不迷已遣連巖移密竹還營高館對迴谿昔賢勝跡今游眺佳處猶能領其要我亦沉冥山水人振衣便可稱同調芳塵瑤席已無存惟見峇堯雙石門不攜江海同車客何處相期知者論

謁劉文成公祠

草昧經綸日英雄戰鬪年真人淮泗起王氣斗牛躔命世生

惡谿

惡谿無行舟高下惟亂石谿中玳瑁魚可以薦嘉客

仙巖寺

咫尺仙巖寺雲峰望轉親夕陽鐘磬發猶有未歸人

積翠亭

孤亭雲木暝衆壑哀猿嘯空翠濕衣裳夕陽忽來照

桂山

蒼蒼桂之樹樹下幽人語山中正可留惆悵王孫去

繇丹楓驛曉行大雪度青雲嶺桃花隘諸山暮投麗

水舟中二首

曉發丹楓驛微茫出遠郊月斜吹積雪風急燒黃茅斷嶺羊腸折寒沙虎跡交軍麾猶未靖何處得安巢

隘口屯師日功臣汗馬勞

隘口在石空山無赤幟廢壘但黃

高亂插繇花盡千盤細路高繇來設險地未必盡神阜

峻嶺行還出愁人跡轉孤飢寒催暮日風雪遍窮途土銜須同燎金刀可剝沽莫辭舟楫小今夜宿江湖

石門懷古寄諸大

九鼎

石門山中瀑布水奔流直下青雲裏晴日遙看細雨飄中林近見微風起謝公當日此山棲晞髮陽阿路不迷已遣連巖移密竹還營高館對迴谿昔賢勝跡今游眺佳處猶能領其要我亦沉冥山水人振衣便可稱同調芳塵瑤席已無存惟見峇堯雙石門不攜江海同車客何處相期知者論

謁劉文成公祠

草昧經綸日英雄戰鬪年真人淮泗起王氣斗牛躔命世生

良弼卑棲役大賢一官齊簿尉千里正戈鋌記室依素紵飛
書謝魯連神鷹思飽掣威鳳必高鶩漢祖除秦法周王卜
渭畋廟堂才不易束帛禮宜先遂有君臣契能令帷幄專南
征頻克敵北伐旋摧堅王會收三統軍謀出萬全河山分帶
礪冠蓋儼神仙未辟留侯穀長辭范蠡船麒麟當日畫竹帛
後時編一自丘陵改重愁歲月遷隆中猶故宅縣上少封田
舊俗還祠廟清歌入管絃黃金遺像蝕鐵券幾人傳古瓦甌
甍落荒庭檜柏圓蛛絲虛寢冑鳥跡斷碑眠想像陰符策沉
吟寶劔篇前賢餘事業後死尚迍澶去去辭枌梓栖栖到海
壖空林多雨雪哀角滿山川玉帳無遺術蒼生久倒懸憑留
一黃石相待穀城邊

永嘉對月懷家孝廉一是一四首

娟娟東城月一是一團露修堞乍升輝廣堦已流素感物成
愛端翹思念情故心賞竟莫同歡歌有遐慕
昔我濟江時別子澄湖陰中以款曲言謂可超重深軒車來
何晚離緒故難任不因道路修惠以瑤華音
瑤華尚阻修何以展嘉覲既越非殊鄉方舟冀來適新蒲紛
紫茸春草齊碧色徒令芳醕陳庶幾煩慮釋
芳醕無長筵煩慮何由捐我思一何篤有若明膏煎兼山義
有託涉川道未愆安得飛鴻翼報子池上篇

永嘉除日述懷

不作牽裾別飄然到海隅謀生真鹵莽中歲益艱虞鄉里輕
孫楚衣冠厭魯儒微名翻詆挫暇日少歡愉處賤無奇策因
人遠禍樞同舟邀楚客王明府世顯聽曲賞巴飲岸轉羣峰出潮

迴衆壑趨江聲漁浦靜樹色釣臺殊祠宇浮空翠松林儼畫
圖羈懷方浩蕩前路已崎嶇草宿侵寒兔林栖逐夜鳥微茫
辭建德縹緲望仙都水訝溪流惡山將棧道紆僕夫行木末
風雪灑天衢老鶴侵晨語窮援入暮呼轉思臨嶮岬誰分久
泥塗柔櫓輕帆下青田麗水區哀禽爭叫嘯孤嶼忽須臾洵
美東甌地由來謝客娛詩篇留汗漫旅食慰飢飭強禁樽中
酒難憑肘後符朋簪方克萃禮法未應拘生意窺籠鳥流年
過隙駒笑看風土別驚見物華徂紅綻官梅萼青分櫪馬芻
深杯期夜酌細菜出春廚坐久親孤燭更深判百觚遠書勞
日夜歸夢越江湖正憶高堂在知攜兩弟俱屢空無長物相
視必長吁菽水承顏好辛盤令節須艱難存病婦燈火索鄰
逋書籍愁捻賣衣裳定有無女長工翦綵男大學投壺倚著

憂他日沉吟
恒隨汎渚
友于莫將鄉國淚
灑阮公途

大牆上蒿行

高秋何多悲風草木黃落盡依于土壤我悲夫轉蓬從風高
下亦復南北西東人生在六合間渺若蜉蝣之羽促迫日暮
寧保厥躬何不恣君中心所欲右挾矢左抨弓追脫兔落輕
鴻肺熊蹯炙鹿茸開我中堂坐我友朋援琴倚瑟鼓鼓考鐘
胡爲自苦乃爾十囊五囊之錢千倉万箱之粟細而鹽豉蒜
果量籌握算戚戚思慮終成老翁上有蒼蒼者天下有薄薄
之地曰往月來寒往暑來人生安得久長視不如坐堅車張
高蓋貴且快意乘我廢馬出入翱翔黃金爲絡青絲爲韁魯

之乘駟周之訾黃燕之馱駟唐成驕驕雖自謂神且駿曾不
如臣馬良呼韓娥進趙倡歌陽阿引清商暢飛暢舞二八成
行輕軀宛轉長袖低昂目迎心蕩躡屣鳴璫晉之南威楚之
陽文吳之夷光稱名前代亦自謂美而豔夫何可方歲月疾
如馳爲歡能幾時升沉分定窮達天爲獲我所求亦復何思
古來達者飲不辭豐刑酒誥徒箴規劉伶畢卓真吾師但當
一月二十九日醉忍使一年三百五日成齊期

襄陽曲

襄陽近大隄君當慎行旅笑客襄陽兒憐錢大隄女

曝書亭集卷第五

曝書亭集卷第五

香水 朱華尊 錫壺

古今詩五

昭陽單闕

永嘉元日

官舍紅梅放繁花一樹春誰憐元日會無復故鄉人

元夕寄故鄉諸子

戍鼓動高城青燈暖虛壁爲報故園人天涯此元夕

山雪

山雪消猶未江梅凍已殘龍蛇翻遠勢烏雀凜相看短服裝
緜少深杯入手乾今宵聞擊柝轉憶北城寒

夢中送祁六出關

酌酒一杯歌一篇沙頭落葉何紛然朔方此去幾時返南浦
送君真可憐遼海月明霜滿野陰山風動草連天紅顏白髮
雙愁汝欲寄音書何處傳

憶河豚二首

正月河豚美嘗時下箸貪未應居海曲翻遣憶江南野老匙
真滑西施乳更甘還持春酒榼爛醉與朋簪
下若槎頭鱸松江巨口鱸嘉魚吾所欲美味爾終輸一食輕
生慣頻年入饜無故鄉弛海禁應得飽春廚

賦得歸鴈寄曹使君雲中

萬里南來鴈歸飛又一羣三江重沉沉二月正紛紛顧影愁
官燭懷書望浦雲關門他夜月應得故人聞

舍弟

縣鑿

遠訪東甌喜而作詩

急難逢令弟訪我自江東頓喜羈愁豁兼聞道里通晴江空
翠裏春草亂山中知汝南來日西陵定遇風

題朱十江東見弟詩後

錢唐諸九鼎駿男

有客傳朱十江東見弟詩長城四十字孰敢近偏師

永嘉雜詩二十首

松臺山

蒼蒼山上松颯颯松根雨松子落空山朝來不知處

斜川

九曲斜川水分流到海濱金釵河上月留照浣紗人

青牛塢

我行白鹿城曉入青牛塢長嘯不逢人松門已亭午

春草池

謝公去已久空餘池上樓春風園柳色朝夕使人愁

太玉洞

亭亭五粒松華蓋神君宅風吹寸草生依然綠袍色

東山

判向花前醉何難典緼袍江南春可樂策馬自蘭皋

南亭

薄雲雨初霽返照南亭夕如逢秋水生我亦西歸客

西射堂

已見官梅落還聞谷鳥啼愁人芳草色綠徧射堂西

北亭

日落空水深潮迴春岸白時有看山人江南望江北

孤嶼

孤嶼題詩處中川激亂流相看風色暮未可纜輕舟

謝客巖

朝看白雲飛暮看白雲宿聞有山阿人曾歌白雲曲

花柳塘

山雪初消盡春塘亂水喧州人還幾日相見樂游原

吹臺

仙人留吹臺近在南山麓上有半死桐下有孤生竹

吳橋港

聞說吳橋港荷花百里開當年王內史五月擢船迴

白水澗

雲峰斷人行活活風泉落知有山桃花青春發紅萼

斤竹澗

谷口啼清後巖花泣深露美人子不來風篁自朝暮

瞿谿

鳥驚山月落樹靜谿風緩法鼓響空林已有山僧飯

華嚴山

聞昔華嚴寺頻經逸少過洮河流石研未若此中多

上戍渡

月露下檣烏天風靜江樹何處夜歸人歷歷沙中語

綠嶂山

谿山百里陰霜葉鳴瑟瑟試鼓丘中琴定有幽人出

雨

城晚吹煙霧風迴渡水雲入林初漠漠潤礎旋紛紛響愛青
荷葉涼思白練裊西堂有官燭更遣夜深聞

七夕

遠客清樽夕虛堂玉露秋關山頻北望河漢已西流葉落他
鄉樹砧催故國樓今宵看織女未必詣牽牛

東甌王廟

九牧維揚外三江霸越餘王勾踐之後同長沙王吳芮
率百越師從漢祖入關滅楚入關從漢約

導海裂秦墟豪俊宜如此艱難氣不除策功巨項藉分壤接

無諸迹異尊黃屋忠能奉簡書長沙堪伯仲百濮定何如萬

古開王會孤城指帝車永嘉城象北
斗號斗城靈旂存髣髴過客盡欷歔

殿五年頻坼霜林日漸疎躡屐山鬼立苔蘚石堂虛側想風

雲會乘時草昧初遠塗今日暮下拜獨躊躇

華陽精舍贈源上人

支公櫪上馬謝客郡東山繫馬林亭外看山日暮還瑤華猶

未折桂樹尚堪攀試醉陶潛酒狂歌白石間

郡東山對月有懷周四

吉亥

陳大忱

吳二周謹

白露侵亭幔涼煙滿桂叢如何秋色裏不與故人同蕭颯聞風葉飛揚見羽蟲南樓滅明燭佇望海雲東

秋日對酒江心寺同高石埭

駿升 作二首

謝監尋山日江童擊汰迎寒潮天外落秋草渡頭生屣覽窮孤嶼道遙倚化城行厨深樹裏乳酒正須傾

驟雨連山暗回風病葉飛入林初緩帶改席忽沾衣客醉從高枕川長得斷磯扁舟憐范蠡鰕菜久忘歸

雨

斷續江天雨涼風滿戶庭轉添秋草綠更洗暮山青積霧猶沉樹明河早見星南亭有歸客朝夕待揚舲

夜渡永嘉江入黃巖

絕岸蒼茫水窮山斷續風雨歸沉黑蜃川暝失丹楓華髮垂垂短悲歌處處同最憐中澤裏深夜有哀鴻

送吳二先輩還漢陽

漢南歸思遶晴川湓浦西風送客船莫上武昌門外望斷腸楊柳似當年

九月十四日夜月

坐惜如珪月懷人歷九秋關山仍遠道西北有高樓苦憶前溪別應添少婦愁清輝憐玉臂獨自下簾鉤

返照

返照開寒峽江城入翠微明霞飛不落獨鳥去還歸是處聞吹角高樓尚曝衣山家多畏虎應各掩柴扉

孤嶼亭對月

皎月空江滿寒雲萬里收纖毫瞻顧兔怳忽動潛虯望遠高樓笛行歌半夜舟南征有鴻鴈相傍宿沙頭

雨渡永嘉江夜入柵溪

落日下崦嵫飛雨自崇墉駕言出北郭汎舟橫東江近岫既凌緬遙岑亦濛籠蔥青水竹交乃有樵逕通潛虯寒載蟄海鷗夕來雙顧望雲葉開張星昏已中荒岡響哀狖枉渚遵輕鴻故鄉日以遠川路靡克終寄言薜蘿客歲宴期來同

題廊下村主人壁

江城獨客一千里海月愁人十上絃夢裏還家無長物天涯歸思逼殘年飢寒僮僕今何有雨雪關山劇可憐珍重主人投轄飲幾回把酒意茫然

華壇望鴈宕山歌贈方十三

朱生 朱十八 振嘉

我昔逢羽人迢迢歷滄海貽我神山鴈宕圖玉笈金箱至今在夢想忘歸亭上游琪花瑤草幾春秋崩流一萬丈濯足大龍湫邇來作客荒山道欲往層崖事幽討方君遇我顏色親朱子更覺人情好攬環結珮山澤間樂酒今夕須歡顏登華壇之絕頂眺鴈宕之迴巒雲容容予欲雨水嘈嘈兮下山遙岑出沒不可以悉數但見哀禽離獸日暝而俱還君不見宗少文當年意興真軼羣名山臥遊不得見眼前圖畫空紛紛君不見謝康樂跡近名山遠城郭咫尺丹梯竟未登江南江北徒丘壑我今得偕二子從遙看一百二高峰彈琴坐待天邊月攜手同行石上松荆榛極天路參錯惆悵平生遠游諾安得仙人相贈九節筇招爾雲中兩黃鶴

病橘

病橘何年植巡簷許數過他鄉淹歲月此樹漸婆娑滿院飛
蟲繞空庭落日多向來懷袖意華實竟蹉跎

西陵後感舊

潘安曾對酒吳質數論文舊史悲難續斯人意不羣一為江
海別遽作死生分淒斷山陽笛那堪歲歲聞

文丞相祠

尚憶文丞相當年此誓師計成猶轉戰事去祇題詩竹柏空
祠屋牲牢尚歲時嗚呼他日恨異代有同悲

謂永嘉諸生
柳維則也

歸次臯亭山作

去年雨雪桃花嶺此日煙波樵李船相值臯亭山上月離家
一十二迴圓滄江游子愁心劇白髮高堂望眼穿行李自憐

垂橐返田園生計轉茫然

闕逢執徐

別李繩遠

鴻鴈歲北向鷓鴣日南征棄置父母邦各事萬里行我游踰
上谷君去適昆明迢迢異鄉縣邈若參辰星登臚即長道祖
席依修桐俯視溝水流仰見浮雲平居人有餘戚况乃衢路
情昔賢重離別努力期修名忠信苟不渝川陸猶戶庭日端
月斯邁暑往寒再更但令長相思何慮不合幷

送孫處士黠還黃山

蕪城客散亂烏啼別業黃山路不迷後夜相思秋色遠月明
三十二峰西

淮陰城下作

岸柳行將徧郊扉日漸昏淮陰十萬戶誰解飯王孫

七夕雨

七夕他鄉雨孤舟下相城戍樓連樹黑漁火隔河明且展輕衾臥難沽濁酒傾故園兒女在相憶定含情

黃河夜月

落月黃河曲先秋白露寒牽牛何皎皎桂樹此團團直北程難計天南淚不乾居人掩閨夕知己夢長安

謁先賢仲子祠

光岳鍾青帝明禋配素王世家猶不泯俎豆儼成行力養嗟何及長貧更可傷如聞琴瑟在千載感升堂

分水廟酬高大

佑記

落月西風動戍樓津亭官柳繫輕舟行人莫唱思歸調汶水

南來已北流

守牖清源驛凡五日不得度

清源驛路接幽燕日日沙頭但繫船五兩南風空自好無由吹送衛河邊

臨清州大寧寺

西北浮雲過雨晴香臺落日散高城遠煙歸鳥忽雙下法鼓空林時一鳴江海幾人懸夢寐詩書無地問柴荆勞生擾擾成何事目極關山萬里情

曉發東光縣

際曉投前路衝寒祇縕袍關河仍鼓角舟楫已風濤落月金樞動疎煙土銜高謀生宜有策筋力爾徒勞

青縣同高大

佑記

雨泊

黃河秋潦急羣盜正紛紛去遠驚秋半愁多語夜分空城寒
更雨哀角斷還聞正值南飛鴈嗷嗷度海雲

董子祠

漢日江都相荒祠舊水濱玉杯存俎豆青簡重天人夕鳥窺
園下秋花裛露新淒涼不遇賦千載一沾巾

八月十五夜集天津曹武備賦官舍分韻得牀字

北里商歌倚笛牀層城秋色轉蒼涼關河西望猶千里時余將適雲中
烏鵲南飛更幾行冷露自零叢桂樹深杯無那鬱金香習池
不改山翁興倒載還同舊葛疆

高博士恒懋席上留贈公子緝睿二首

列席先投轄升堂喜盞簪飄零忘薊北風物盡江南滄酒瓷
甕滿張黎白露甘留連如意舞更與阿戎談

西陸清秋候東山舊宅開壺觴兼日夕文詠許追陪且為看
花起還愁上馬回春風倚歸櫂賭墅定重來

出居庸關

居庸關上子規啼飲馬流泉落日低雨雪自飛千嶂外榆林
祇隔數峰西

土木堡

平蕪一簣狼山下九月驅車白霧昏到眼關河成故迹傷心
土木但空屯元戎苦戰翻迴蹕諸將論功首奪門早遣金繒
和社稷祠官誰奉裕陵園

宣府鎮

高城西北控燕都吹角清秋落日孤尚憶武皇巡玉塞親從
鎮國剖金符宮槐御柳今蕭瑟虎圈鷹坊舊有無邊事百年

虛想像誰誇天險塞飛狐

上谷道中

急雪千山下渾河萬里流搖鞭逢漢使走馬入雲州

苦寒行

九州皆可歷何為雲中居聽我歌苦寒泣下沾衣裾解一寒風
利如刀雪花大如席重裘如束水安問絺與綌解二白日無光
晶驚沙但茫茫舍我四方事土室獨摧藏解三白登自言高乃
是太古雪漚洩自言深腹堅不可裂解四斧冰持作糜舖糜糜
已冰展轉長宵中晨風不得興解五攬衣未及帶手龜血出漉
嚴霜割我面哽咽不得哭解六男兒可憐蟲出門思故鄉寧飲
吳市酒不樂邯鄲倡解七

傷歌行

北風其涼雨雪如擣栖栖素冠行彼周道解一蟹則有筐蟬則
有綉父喪不葬誰憐我為解二瞻彼桓山有革其羽載鳴載揚
忽失其侶解三力行雖疾不如奮飛遠望雖高不如早歸解四凡
百君子庶幾心惻翳桑之餓可以報德解五

十月十四日夜同曹使君雲州對月

發軌自徂暑息鞅及玄冥迢迢沙際月皎皎雲中明臯禽警
朔吹別葉辭苦莖青霜降北陸參井緬縱橫主人託嘉藻休
澣寡所營悟彼行役艱曲宴奏中誠清樽湛瑤席兔首亦以
烹但言音塵闕豈意良覲并謙謙君子柄習坎美不盈澄輝
矢相照慰我殷憂情

十五日夜月

重陰積邊亭風候異揚粵駢筵集親懿復此亭上月析析靜

衰林斐斐滿層闕清砧無緩響素雲屢興沒客情易爲懷庶
用慰寂蔑哀鴈逝不居流芳久云歇天道互虧盈物理信昭
昧詩人戒太康職思永無忽霜露日夜零故鄉渺難越悽愴
游子心獨坐待明發

十六日夜席上贈陳孝廉

容永孝廉
戊邊

晷運方代序感此成鬱陶良友繫白駒芳酒永今宵團團東
城月萬象仍光昭誰言容輝減彌覺神理超哀笛奮層樓餘
響薄風霄悲哉遠征士氣轡不得驕沖魄會有宜盛滿誰能
要伯陽之流沙箕子去商郊苟懷艱貞節道德豈不飭申章
託微諷撫景荅長謠

十七夜月

磊磊列宿明皎皎塞日晚盍簪數晨夕吾道豈云遠飛光上

層軒薄雲冒崇嶽迢迢界斜漢惻惻引朔管圓靈乍警闕素
魄已辭滿清輝寧有渝潛德期日損幽人貞素履君子利往
蹇擇術雖殊塗心賞得所款感目既多顏懷鄉匪異換申旦
陳苦言庶令勞者纂

甲辰冬月朱十訪我塞上賦對月詩奉荅三首

司里

曹溶

潔躬

昔我登羅浮靈雲翼飛軒炎光扇四序曄曄神芝顏有美
儼相從盛作游覽言芳蘭麗重墀列植皆翩翻洗爵命清
醕鱸鯉出丹淵遯日駕輕楫跌蕩珠江前矢口吐嘉藻衆
賓稱我賢聿來鴈門棲轉瞬八九年寒燠旣殊軌苦志何
由宣燦燦金張徒凌忽若浮煙賴有同心士風雨仍勿愆
樂莫故交樂遂賦明月篇

月出照城闔兵甲何洋洋連山萬餘里縣亘不可詳列營
慘清角羽肅隨風翔束芻徵近郊飛駿蔚千行獵火耀繁
星毳服禦嚴霜章甫謬司憲飭躬戒無荒蓬管閉重闈民
俗偕古康方屢索處憂之子凌大江弗效兒女仁忼慨溢
中腸曠觀幽與并回睇思故鄉旦夕事游燕孤抱成匹雙
何意塵土區逍遙奉圭璋

圭璋慎中闕黽勉循昔經暫當展清輝釋憤於邊庭深雪
蔽層阪修柏含青英匡世羨高度緇塵詎能櫻短褐濟三
冬園葵待晨烹曲房翦茅茨靜見游鴻征文籍繞四座持
酒忻共傾開懷玩流景哀樂全其貞悠悠道路間乃得親
友生恒嶽有磐石足以喻精誠環顧王化周冀方息交兵
卷組及良時無為耽令名

雲中至日

去歲山川縉雲嶺今年兩雪白登臺可憐日至長為客何意
天涯數舉杯城晚角聲通鴈塞關寒馬色上龍堆故園望斷
江村裏愁說梅花細細開

雲中客舍曹武備自津門以筐蟹銀魚見寄賦謝二
首

千里三沽使傾筐異味傳霜螯初入手臘月更須憐重馬愁
關吏香稂憶野田江鄉好風物罷酒數歸年

水族殊鄉至明燈夜不孤雪花寒意減玉盃近看無反厭流
匙滑宜將剝酒沽遙憐垂釣客白首向江湖

贈周叅政

周君北地推風雅幾載栖遲白門下四壁蕭然竟罷官知君

亦是悠悠者匹馬西來訪故人相逢師友更情親自言溽暑
辭堂邑不覺辛盤換早春春晴風日官齋迴翰墨于今數公
等畫品真同顧愷工隸書遠見鍾繇並貽我梅邊索句圖江
南春思到平蕪蒼苔濁酒尋常得冷蕊疎枝何處無紇干山
高凍飛雀健步移來總蕭索不見黃須細細開惟愁白雪紛
紛落蘇武城邊送別遲桑乾河上已流澌遙將南浦離人曲
迸入西征橫笛詞憐君此去壺關道盡簪到處逢迎好澤潞
三時芳樹多江風五月歸帆早滄洲萬里憶田廬流水柴門
今尚虛卜鄰儻就移家約來共梅花溪上居

絕塞

絕塞衝寒起妖星逼歲除幾時離畢昴三見改蟾蜍我友官
中禁憂時獨上書謂楊給事雍正時上疏言彗星見宜修省由來天道遠垂象果何

如

旃蒙大荒落

長歌行

糾糾葛屨行彼中達豈無轅馬登高則危解一姬姜誨淫吉士
悼之赫赫王侯竊鈎笑之解二羔羊之革可以禦冬狐貉雖温
君子固窮解三誰謂松柏微霜萎而誰謂風雨雞鳴已而解四芻
蕘者謀先民所度志士立言豈必好爵解五陟彼北山俯視崇
丘千秋萬歲孰知我憂解六

短歌行

飲酒當醉拔劍當歌人生相知樂豈在多解一相彼中林枝葉
猗儺嚴霜一至焜黃奈何解二飄飄寒風不知所屆豈曰無衣
將子于邁解三鳴鹿在囿載食其蒿男兒墮地惜無錢刀解四明

星在天雨雪在野我思故人泣數行下解五今夕不飲來日大

難今者不樂來朝永歎解六

和宋十短歌行

嘉興 鄭珙 隨始

北風烈烈雨雪載塗我思禦冬旨蓄則無解一濯濯江湖曷

取其魚絲絲遠道曷策其車解二僕夫夙駕攬子之祛子無

先路俟我城隅解三尊有甘酒不在百觚俎有嘉肴不在兩

翰解四子有苑囿當推我居我有錢刀當念子需解五蜉蝣迫

暮傳語螻蛄今者不樂斯焉已夫解六

鴈門關

南登鴈門道騁望勾注巔山岡鬱參錯石棧紛鈎連度嶺風
漸微入關寒未捐層冰如玉龍萬丈來蜿蜒飛光一相射我
馬忽不前抗迹懷古人千載誠多賢郵都守長城烽火靜居

延劉琨發廣莫吟嘯扶風篇偉哉廣與牧勇略天下傳時來
英雄奮事去陵谷遷數子不可期勞歌為誰宣嗷嗷中澤鴻
聆我慷慨言

觀獵

白狼堆近雪嵯峨風卷黃雲入塞多盡道打圍春更好夕陽
飛騎兔毛河

晚次淳縣

百戰樓煩地三春尚朔風雪飛寒食後城閉夕陽中行役身
將老艱難歲不同流移嗟鴈戶生計各西東

淳沱河

淳沱河上流漸急騎馬春冰滑可憐百尺浮橋空斷板孤城
哀角動荒煙愁顏送老飢寒日絕塞因人兩雪邊轉憶江鄉

多樂事花濃齊放五湖船

將次山陰墮馬傷足張明府

施大

枉顧逆旅餉酒賦

謝二首

可怪乘船客今朝墮馬來半人宣武笑長路步兵哀地主逢
傾蓋天涯獨愛才淹留憐逆旅相餉竹根杯
果見軒車至倉皇啓夕扉亦知寬禮數強起著裳衣涕淚餘
生在泥塗萬事非遐方堅臥轍猶得藉光輝

留贈王沙縣

泰墳

四首

文端公家屏孫

黃閣先朝重清門絕塞存東山遺別墅丙舍有諸孫吳楚游
能徧詩書道自尊憑將飛蓋夕聯騎問詞源
墮馬愁方劇欣逢出戶迎人扶妨折足家遠竟全生翦韭當
三月浮杯及二更熟知舟楫趣款款話南征

先臣典禮日相國去官初各建留侯策同傳賈傳書

文端公以學建儲去國至

先文恪掌六宗伯事章凡三十上得允

聽歌增忼愾話舊各歎獻俯仰悲身世相看

計盡疎

范甌萊蕪返玉鳧葉縣歸飢寒仍不免子姓復何依挂壁蠲
租詔張羅款客扉由來被褐士萬慮與時違

將之晉陽留別包十二

銘

客程冰雪阻蕭關蕙草芳時各未還此去尚同千里月相思
知隔幾重山

七馬坊

積潦黃蒿外連岡黑霧中轉愁人馬滑真覺道塗窮陶穴遺
深井沙陀沒故宮離程渺天末九月斷征鴻

再度鴈門關

時間舍弟彛鑿病卒

鴈門關北鴈初飛萬里征人淚濕衣回首秋風行已斷天南
消息到雁稀

夢寐

夢寐看兒女沉吟泣數行他時嘗獨立永日見相將去動憐
渠小歸應共我長雲山千萬里誰道不思鄉

捕虎詞

黃桑彎弧棘作弩村民少長齊捕虎南山有鹿北有獐何爲
馱我檻下羊青天杲杲白日出橫行大道終罹殃君不見靈
丘捕虎虎盡死太原城中狼入市

晉祠唐太宗碑亭題壁

集杜

步屨深林晚春池賞不稀文章千古事社稷一戎衣野日荒
荒白悲風稍稍飛無由覩雄略寥落壯心違

宋烈女行

紅羅持作帕素練持作巾何必合衾幃始爲同心人宋氏有
女典生長蔚州之野西崖之山年紀十五餘許配千字村村
民蘭州廝大義結夫婦忽登泰山錄人壽不得久女方曬穀
聞之聲悲哀長跪告父母兒當從黃泉下信誓旦旦不可乖
父母向女言尊章爾未事慎勿捐形軀相保親父子各各還
室中涕淚終不止月正三十日其日二十三日從東來奄
忽墮西南闔門夜無人女向空庭坐攬我素練巾接彼紅羅
帕徘徊寢室旁自挂中門下父母啓視哽咽不得言觀者四
方至歎息日暮還童童嵬嵬側乃有松柏林誰言寸草莠乃
有松柏心

明妃曲

上林消息斷歸鴻記抱琵琶出漢宮紅頰近來憔悴盡春風
更遜畫圖中

柔兆敦牂

臺駘廟

鳳鳥書官後鴻荒障澤年神功開白壤帝系出金天分野捫
參次山川奠禹先按圖移岸谷紀遠昧星躔亂水汾洮別諸
姬沈妣聯唐風誰始祀魯史至今傳簫鼓橫流散風沙急溜
穿勢曾吞北漢潤亦被西邊壁馬黃河並雲旗玉井旋軒裳
存想像憑弔一茫然

送趙三

湛還永年

離堂卜夜且成歡酒盡休歌行路難四十逢時猶未晚看君
騎馬入長安

太原客舍同方三孝廉

育盛

話舊二首

遠戍崔亭伯還家管幼安千金裘馬盡十載道塗寒華髮同
雙鬢悲歌感萬端平生蕭瑟意長缺為誰彈
舊業東山下曾經賭墅過飄搖秋雨後零落戰場多避地從
人問誅茅奈老何烏衣雙燕子留恨滿關河

龔

百朋

自梗陽以詩見寄漫答二首

傳聞花縣客不異幔亭居

閩中張君汝瑚令
清源龔子館馬

旅興吟紅藥賓筵鱸

白魚仲宣懷土日司馬倦游初咫尺橫汾隔難尋下澤車
道重論交地書題把臂前相憐煩縞紵永好有詩篇多難休
儒服他鄉澀酒錢但期陽羨隱見日話歸田

七夕立秋王方伯

顯祚

席上和毛

會建

暑退林初暝尊開露漸滋客中憐夜集天上果秋期片葉辭

風下長河卷幔垂，莫教涼月盡。同和謝莊詩。

客夜

陽曲城頭烏夜啼，明燈深巷綠牕低。從教趙女工瑤瑟，不遣愁人醉似泥。

聞黃鶴樓成賦寄楚中一二知己

平生未鼓湘江柁，萬里投詩黃鶴樓。壯觀百年今在眼，異時獨上迴含愁。碧牕下湧樊山月，紅葉斜連鄂渚秋。為報故人多釀酒，飛帆真作漢南遊。

寄酬譚七舍人兄

吉璉陸二舍人弟

客久憐書札，鄉遙感歲時。空淹雞鹿塞，遠隔鳳凰池。九月茱萸會，頻年雨雪詩。朝回逢陸弟，為報日相思。

題錢宗伯

謙益文集後

集杜

海內文章伯，周南太史公。衣裳判白露，門巷落青楓。興與煙霞會，人今出處同。白頭無籍在，愁坐正書空。

題倦圃圖二十首

叢筠徑

柴門面湖水，深徑聞人語。月出翠煙開，相送乘舟去。

積翠池

流水石橋東，修篁蔽空曲。獨吟橋上行，縹緲衣帶綠。

浮嵐

宿鷺拳沙石，虛牕啓夕煙。東西望南北，蓮葉總田田。

范湖草堂

松石閉門中，芳菲蕙草叢。春船迴夜月，鰕菜幾時同。

靜春菴

晴戶罨晴絲風花爛紅藥緬懷風中琴兼此花下酌

圓谷

山牆高下築中見林扉開相邀入空谷偶坐心悠哉

芳樹亭

獨石敲長臥空亭夜不扃春風平仲色相見幾回青

谿山真意軒

遠樹聞疎鐘夕陽上喬木相對忽忘言賞心在幽獨

容與橋

清淺水石間文魚散花嶼催客引流觴山橋更延佇

漱研泉

主人南粵歸獨載端溪石晝日三摩娑此意人不識

潛山

積雪開半林洩雲有膚寸會此靜者心潛藏本無悶

錦淙洞

霜林吹石溜清響徧亭臯夜半愁風雨不知山月高

采山樓

高樓坐銷憂樵李亭西路夕照望千家春浮倚雙樹

狷谿

我本狂歌子却愛狷谿水滔滔天下人誰能洗其耳

金陀別館

舊識談經地巖扉靜不開秋深叢桂發金粟禮如來

聽雨齋

風吹石蘭花柔萋雨中長清夢入空山亂落紅泉響

橘田

瀟灑衡門下陽坡縱所如青霜猶未降先報右軍書

留真館

平生金石心一室千秋慮我亦問奇來徘徊不能去

澄懷閣

欲覽城南勝宜登池上樓煙波長在望不放五湖舟

春水宅

遠水浮橋直方塘入戶低東風楊柳樹吹綠草堂西

曝書亭集卷第六

曝書亭集卷第七

秀水 朱彝尊 錫鬯

古今詩 六

強圍協洽

太原途中聯句四首

涓涓難老泉分流晉祠側曲周王顯祚渠求中有長生蘋冬夏同
一色彝尊

三過朝陽洞一宿羽人居彝尊萬籟夜俱寂想見天地初顯祚

高歡避暑宮聞在龍山下顯祚馬蹄不敢踏慮有香姜瓦彝尊

一百二十六石柱刻作經彝尊會須挾風峪移置水邊亭顯祚

猛虎行

班班南山虎黃金環兩目獐鹿非不甘妄意食人肉解朝亦

伏林間暮亦伏林間將軍不敢射何況惡少年二東海殺黃
公山嶼逐馮婦牛哀尊我前左飛踞我後三下士捉虎尾上
士持虎頭雄豪安可常寢處託王侯四解

陳參議上年署中題畫五首

香醪小榼載吳船隔岸桃花湧石泉此樂江鄉常在眼披圖
那不數歸年

密樹雲根一徑開水亭風檻足淹洄最憐略約前谿好可惜
無人載酒來


岸柳山松壓翠微芭籬宛轉護柴扉主人且莫攤書坐看弄
漁舟箇箇歸

招提絕頂掩松關茅屋巖阿竹樹環恍憶昔游長至日滿衣
風雪括蒼山

水檻風亭八九椽叢筠秀木總堪憐炎天引我江湖興懊惱
黃驄白玉鞭

戲效香奩體二十六韻

淶水橋橫度紅樓壁暗整軒牕開了烏洞壑隱空嵌絕世歌
難得同生感至誠裁通心叩叩愛執手摻摻匊葉垂么鳳釵
梁綴小蛾禾中女子有以織始簇蝶綴鬚花者細桃簪後放碧草鬪來花淺黑鴉
頭韞微黃杏子衫粉融研麝和香潤避梅賦點筆能成陣聽
詩便發凡聰明箋樣改放誕酒籌監舊譜修簫史繁聲擊阮
咸目因留客送語以解圍僂捕雀容貓戲移花信鳥鴿繡闌
鶯睨皖坐久燕沾誦鈿鏡清於水妝階白勝瑛住須金作屋
行即錦爲帆鬱鬱亭前柳青青插口杉回船同別鴉去馬逐
驚颿角枕千行淚蛾眉衆女讒車輪腸內轉石關口中銜積



思凝瓊樹輕郵達蒞函犀文擣寒玉兔穎鬻秋龜益智忘留
贈當歸費遠緘神光渚離合夢雨峽斬岳虎阜東西寺烏山
上下巖當年並游地悔不姓名剗

壽陳叟

繼新

城東小徑舊升堂五載京華鬢已蒼誰肯艱難全李燮未容
名姓隱韓康風帘花市春游健雲碓青精午飯香閭史佳辰
須盡醉細論煙水送歸艍

瓊華島

良嶽移花石離宮枕玉河年年御溝葉相送麴鹿波

島石相傳
金人自汴

此移

朱碧山銀槎歌孫少宰席上賦

高堂宴客客未醉主人愛客期開顏羽觴玉爵詎足算勸我

鑿落重三銀槎材老樹幾千歲霜皮崩剝枝柯刪陰崖自遭
鬼斧劈積雨暗齧苔紋斑尋源之使出想像高踞兩膝頂禿
鬚觀其傲岸意獨得髣髴歸自明河灣流傳河畔逢織女
所恨尚少雙煙鬟刻中鄉衡入其腹未解刀削何由彎傳之
四座叫奇絕有如白鳥飛翺翺細看款識刻至正問誰爲此
朱碧山良工名盛心益苦顧茲毋乃經營艱主人博搜金石
文向我更話天曆間丹丘先生愛奇古命製芝菌如初攀當
時虞揭相獻酢是物亦得流人寰自從闖賊躡燕市大掠金
帛仍西還紛紛入肆尋鍛冶否亦道半委榛管聞之不覺三
歎息可憐雙解今成鰥吾鄉藝事多絕倫奇巧不數古輸班
張銅黃錫近乃出未若此老技最嫻殊方促坐但酩酊莫遣
酒醒懷鄉關

食半翅二首

賦物憐窮鳥營飛日幾迴
遠依黃鼠穴低搶白龍堆
不用深弓射恒愁短翼摧
年年隨凍雀重馬紇干來
味合添雛筍羹宜配凍醪
登盤人未識入肆價須高
且緩思鵝炙全勝食雉膏
莫愁嘗易盡讒鼎戒貪饕

食鐵脚二首

本與黃頭似羣傳鐵脚名
網羅謀盡取膏火遠先烹
凍免厨人割貧貪市價輕
物微憐最苦化蛤也為羹
捕自愁雲外來從凍雪初
體輕鷓鴣並骨脆鵲鴿如
羹臠嘗兼得臍胸法未書
故鄉無爾輩只鱸玉鱸魚

著雍涖灘

人日同閭孝廉

爾梅

紀處士

映鍾

陸處士

嘉淑

周處士

容集嬰尚書

鼎彝

齋中得人字

汾東代北三十里惆悵花前
四度春江左文章公等在燕臺
風物客愁新牋題薛訪誇車子
時命三歌童行酒歌許荆卿和酒人
不是尚書期我數天涯淒斷此佳辰

落日

落日銜西嶺驚沙卷北風
今年春已半猶有未歸鴻

題高六柘塘移居圖二首

伍負吹簫市韓信垂釣臺
昔賢曾混跡之子亦多才
落月搖鄉樹清淮上酒杯
誅茅三徑在高詠日悠哉
草綠連隋苑花飛憶楚州
人間從散帙客至許登樓
自卜羅含宅頻移范蠡舟
看君圖畫意轉益故鄉愁

中秋待月和劉

興詩

高館清秋會愁陰，悵望中當歌延夕。漏卷幔颺天風，玉葉翻雲細。金波落酒紅，殊方寒思早。甘作鹿皮翁。

華不注

仙梵開初地，春秋識舊名。青蓮齊吐萼，石筍獨抽萌。泉憶邊庭實，居連許殿卿。淒涼懷舊意，驅馬入荒城。

自沂水至大峴山作

征衣莫浣淚痕斑，五載辭家尚未還。目送燕鴻南去盡，計程翻度穆陵關。

淮水弔韓淮陰

淮陰師十萬，曾此擊龍且。廢壘人猶識，囊沙水漸淤。生慚諸將伍，史並列侯書。千載烏江廟，君臣反不如。

烏江項王廟以范增龍且配食

寄錢二

二

我登魯連臺，君入淮陰市。不知千黃金，何人酬國士。

濟南除夕

五載論除夕，依然滯異鄉。逃名成白髮，歸計復青陽。櫪馬喧何事，燈花喜太忙。故園遺弟妹，相憶或停觴。

屠維作噩

鄒縣謁孟子廟二首

井地連滕壤，詩書近孔門。世儒多橫議，夫子獨知言。楊墨歸斯受，齊梁道自尊。巖巖留氣象，千載肅心魂。

壞道殘碑臥，祠官異代虔。爵班公一位，里紀母三遷。叢木冬春冷，風燈卒史懸。空令布衣士，瞻拜獨淒然。

曲阜晚眺同劉中丞

徑轉通油幕，林深護石苔。夕陽新雨過，春杏舊壇開。入廟車

猶在看碑日幾迴東城寒食近不上鬪雞臺

和朱十韻

宛平 劉芳躅 增美

孔庭釋菜後攜客步莓苔犧象湯孫徹金絲魯殿開牲碑
工拓就著草馬馱回媿少春秋癖言旋罷講臺

地軸

地軸連年震沂州接莒州春農千里旱野哭萬家愁鴻鴈驚
難定蛟龍鬪未休更聞城郭外蜃氣接層樓

飲歷下亭泛舟蓮子湖作二首

濟水來王屋源泉處處清自從湖口入不復地中行柳岸鳴
蟬急荷風浴鳥輕江南歸思緩髣髴櫂歌聲

海右亭仍在城隅路不賒竹深池館靜山轉柁樓斜小隊千
行柳行廚五色瓜未愁霑席雨歸櫂豁晴霞

長城堡皇姑寺

皇姑正統間尼曾入
大內諫止土木之行

十室長城堡皇姑迹未湮偶然朝鳳闕不惜撼龍鱗北伐回
轅後中宮感夢頻荒祠巫覡在猶見舞冬春

度駱馬湖

自從前度黃河決董口填淤駱馬過夫柳至今喧里巷客帆
終覺厭風波東南民力愁先竭西北源泉棄尚多安得歲星
長守越年年輓粟上盤渦

淮南感事

城樓高見碧湖懸淮堰將傾近百年比歲凶荒耕未得向來
修築計誰先預愁四瀆江河合直恐三吳財賦捐開濟何人
輸上策升虛急誦楚宮篇

秋日登胥山

秋水日以駛鼻尊輕船泛清澄月質青士流沿轉紆曲沈傳弓武功權
急黏孤菱鼻尊反峰尚阻樹質近寺俄飛棱傳弓官宵林凡磬出
鼻尊鱗鱗波雲興質流目訝突兀傳弓賞心闕峻增鼻尊舟維臥
柳渡質道失寒瓜滕傳弓誰言培嶺微鼻尊曲磴緣百層質碣殘
蘇欲剝傳弓祠古藤交緜鼻尊緬懷大夫節質千秋痛填膺傳弓
覆楚豈大義鼻尊忠孝不兩能質飲泣盧中獻傳弓悲歌河上
朋鼻尊當其恥已雪質屬鏤非所矜傳弓慨此空山中鼻尊遺跡
猶可徵質刃截兩白石傳弓指點由孤僧鼻尊其旁臥石劍質霜
色長侵陵傳弓皜如鋪練帶鼻尊亘若橫丹秤質又如常山蛇
傳弓首尾相爲應鼻尊觀其氣怒激質毋乃神式馮傳弓尚想鞭
荆尸鼻尊壯士心摧崩質至今祠下水傳弓猶作胥江稱鼻尊吾
徒久于役質遠攬岱與恒傳弓顧茲百里內鼻尊展齒游未曾

故鄉洵足慕傳弓高興偶此乘鼻尊寄言同心客質暇日期重
登傳弓

風懷二百韻

樂府傳西曲佳人自北方問年愁豕誤降日叶蛇祥巧笑元
名壽妍娥合喚嫦次三蔣侯妹第一漢宮牆鐵撥爛諸調雲
璇按八琅琴能師賀若字解辨凡將弱絮吟偏敏蠻牋擘最
強居連朱雀巷里是碧雞坊偶作新巢燕何心敞筍魴連江
馳羽檄盡室隱村船縮髻辭高閣推蓬倚峭檣蛾眉新出繭
鶯舌漸抽簧慧比馮雙禮嬌同左蕙芳歡悰翻震蕩密坐益
傍徨板屋叢叢樹溪田稜稜薑垂簾遮雁戶下榻礙蠶房店
鬼同時逐祆神各自穰亂離無樂土漂轉又橫塘阜散千條
莢紅飄一丈薔重關於盼盼虛牖李當當鳳子裙纖褶鴉頭

鞵淺幫倦猶停午睡暇便踏春陽雨濕鞦韆索泥融碌碡場
骨絲捐蠟蠓拒斧折螳螂側徑循莎薦微行避麥麩浣紗宜
在石挑菜每登畎蘿蒿情方狎萑苻勢忽猖探丸搜保社結
侶竄茅簷廡改梁鴻賃機仍織女襄踈櫺安鏡檻斜桷頓書
倉路豈三橋阻屏還六扇唐弓弓聽點屐了了見縫裳夙擬
韓童配新來卓女嬌縞衣添綽約星壓婉清揚芸帙恒留篋
蘭膏慣射芒長筵分潑散複帳捉迷藏匿貯芙蓉粉蕪煎豆
蔻湯洧盤潛浴宓鄰壁暗闥匡苑裏躑由鹿藩邊喻觸羊未
因通叩叩祇自覺俵俵孟里經三徙樊樓又一廂漸於牙尺
近莫避竈觚煬題筆銀鈎在當牕繡袂颺有時還邂逅何苦
太周防令節矜元夕珍亭溢看場鬧蛾爭入市響屣獨循廊
枵觸釵先溜簷昏燭未并徑思乘窘步梯已上初梳

大智度論
譬如綠梯

從一初
恍而上莫縮同心結停斟冰齒漿月難中夜墮羅枉北山張冰
下人能語雲中雀待翎青綾催製被黃竹喚成箱玉詫何年
種珠看滿斛量綵幡搖婀娜漆管韻清鏘白鵠來簫史斑駘
駕陸郎徒然隨畫艦不分上華堂紫葛牽駝架青泥濕馬柳
枇杷攢瑣瑣椽柳蔭泮泮金屋深如此璇宮思未央朝霞凝
遠岫春渚得歸艤古渡迎桃葉長堤送宵釵翠微晴歷歷綠
漲遠汪汪日影中峰塔潮音大士洋尋幽雖約伴過涉乃須
印澹墨衫何薄輕紈扇屢障心憐明艷絕目奈冶游狂纜解
青絲絳茵鋪白篋簷回波吟栲栳鳴槽入菰蔣竹筍重重籜
茶牙段段槍甘菹翻舊譜活火試頭綱榼易傾鸚鵡裘拚典
驕驕曉醒消芳蔗寒具析餠餽已共吳船凭兼邀漢珮纏瘦
應憐骨出嫌勿避形相樓下兜衾臥闌邊拭淚妝便思蛩負

韞淺幫倦猶停午睡暇便踏春陽
胃絲拍蠅蝶拒斧折螳螂側徑循莎
在石挑菜每登畎蘿薦情方狎萑苳
侶竄茅篁廡改梁鴻賃機仍織女襄
倉路豈三橋阻屏還六扇唐弓弓聽
韓童配新來卓女孀縞衣添綽約星
蘭膏慣射芒長筵分潑散複帳捉迷
寇湯洧盤潛浴宓鄰壁暗闕匡苑裏
因通叩叩祇自覺悵悵孟里經三徒
近莫避竈觚煬題筆銀鈎在當牕繡
太周防令節矜元夕珍亭溢看場閨
棖觸釵先溜簷昏燭未并徑思乘窶

從一初
恍而上

莫縮同心結停斟冰齒漿月難

下人能語雲中雀待翔青綾催製被

種珠看滿斛量綵幡搖婀娜漆管韻

駕陸郎徒然隨畫艦不分上華堂紫

枇杷攢瑣瑣柳陰洋洋金屋深如

遠岫春渚得歸鯢古渡迎桃葉長堤

漲遠汪汪日影中峰塔潮音大士

印澹墨衫何薄輕紈扇屢障心憐明

青絲絳茵鋪白篾簷回波吟桡老鳴

茶牙段段槍甘菹翻舊譜活火試頭

驕驕曉醒消芳蔗寒具析餠餠已共

應憐骨出嫌勿避形相樓下兜衾臥

歷竊擬鳳求凰兩美誠難合單情不可詳計程衝瘴癘回首
限城隍紅豆憑誰寄瑤華黯自傷家人卜歸妹行子夢高唐
杜宇催歸數芻尼送喜忙同移三畝宅並載五湖航院落蚪
簷月階流兔杵霜池清彫菡萏垣古繚篔簹乍執摻摻手彌
迴寸寸腸背人來冉冉喚坐走佯佯齧臂盟言覆搖情漏刻
長已教除寶釵親爲解明璫領愛蝤蛄滑肌嫌蜥蜴妨梅陰
雖結子瓜字尚含瓢捉搦非無曲溫柔信有鄉真成驚蛺蝶
甘作野鴛鴦暫別猶凝睇兼旬遽病疴曆頭逢臘盡野外祝
年穰忽枉椒花頌來浮柏子觴亮因微觸會肯負好時光鑪
亟薰鳧藻卮須引鶴吮象梳收髮墮犀角鎮心恇滅燄餘殘
池更衣挂短桁簪挑金了烏臼轉木蒼根納履氍毹底寒幃
景歎旁綺衾容並覆皓腕或先攘暮暮山行兩朝朝日照梁

含嬌由半醉喚起或三商連理綠枝葉于飛任頡頏燒燈看
傀儡出隊舞跳踉但致千金笑何妨百戲償偶然閒院落隨
意發縑緗竹葉符教佩留藤醬與嘗硯明鸚鵡眼香駝鷓鴣
肪日以姿拖水時乘熈婉良本來通碧漢原不限紅牆天定
從人欲兵傳迫海疆爲園依錦里相宅夾清漳奪織機中素
看春石上梁茗爐寒說餅芋火夜然糠唐突邀行酒勾留信
裏糧比肩吳下陸偷嫁汝南王畫舫連晨夕歌臺雜雨暘旋
娟能妙舞蹇姐本名倡記曲由來擅催歸且未遑風占花信
改暑待露華灑蓄意教丸藥含辛爲吮瘡賦情憐宋玉經
義問毛萇芍藥將離草靡蕪贈遠香潮平江截葦亭古岸多
樟鏡水明於鏡湘湖曲似湘加餐稠疊語濃墨十三行約指
連環脫茸繇袖復裝急如蟲近火躁甚蟹將糖理權迴青翰

駿駒驟玉環寧期共命鳥遽化逆毛鶴寄恨遺卷髮題緘屬
小臧憤奚殊蔡琰悔嫁失王昌作事逢張角無成種董節流
年憎祿命美疚中膀胱手自調羹臙衣還借襌襠口脂勻面
罷眉語背人剛力弱橫陳易行遲小膽忙留仙裙盡皺墮馬
鬢交鬢不寐扉重關巡簷戶暗塘風微翻蝙蝠燭至歇蛩螢
霧漸迷三里星仍隔五潢輕帆先下雲岐路誤投杭九日登
高閣崇朝舍上庠者回成偏側此去太愴惶亂水逾浮玉連
峰度枯蒼惡溪憎屈盤嶼苦低昂地軸何能縮天台詎易
望重過花貼勝相見紡停軒射雉須登隴求魚別有枋笮籬
六枳近練浦一舟盪烏白遮村屋青蘋冒野湟洛靈潛拾翠
蠶妾未登桑驟喜佳期定寧愁下女備絲英經夜合珍木入
宵炕

爾雅守宮槐
葉書蟲宵炕

啓牖冰紗綠開奩粉拂黃話纔分款曲見乃

道勝常即事憐聰慧那教別慨慷揭來要漢艾塊獨泛沙棠
送遠歌三疊銷魂賦一章兜鞵投暗室卷箔指昏亢命續同
功縷杯餘九節葛截筒包益智消食餉檳榔膠合黏鸞鳥丸
堅抱蛞蝓歡難今夜足憂且暫時忘本擬成翁媪無端失比
佞睫邊惟有淚心上豈無益鍼管徐抽綫闌灰淺凍幌毫尖
渲畫筆肘後付香囊訣絕分溝水纏絲解佩璜但思篙槽折
莫繫驕驄韁帷帳辭秦淑音塵感謝莊豈無同宿鴈終類失
羣塵衛黥頻開匣秦衣忍用样炕蒸鄉夢短雪卷朔風零絕
塞緣螭螭叢祠弔好妨刀環歸未得軌革兆難彰客乍來金
鳳書猶報白狼百憂成結轆一病在膏肓峽裏瑤姬遠風前
少女殃款冬殊紫蔓厄閨等黃楊定苦遭謠詠憑誰解決邊
椽先為檀斫李果代桃僵口似銜碑闕腸同割劔鋸返魂無

驂駒驟玉環寧期共命鳥遽化逆毛鷓寄恨遺卷髮題絨屬
小臧憤奚殊蔡琰悔嫁失王昌作事逢張角無成種董節流
年憎祿命美疾中勝脫手自調羹臙衣還借襦襠口脂勻面
罷眉語背人剛力弱橫陳易行遲小膽忙留仙裙盡皺墮馬
鬢交髻裹不寐扉重開巡簷戶暗塘風微翻蝙蝠燭至歇蛩螢
霧漸迷三里星仍隔五潢輕帆先下雲岐路誤投杭九日登
高閣崇朝舍上庠者回成偏側此去太愴惶亂水逾浮玉連
峰度枯蒼惡溪憎詘屈盤嶼苦低昂地軸何能縮天台詎易
望重過花貼勝相見紡停軒射雉須登隴求魚別有枋笮籬
六枳近練浦一舟盪烏白遮村屋青蘋冒野湟洛靈潛拾翠
蠶妾未登桑驟喜佳期定寧愁下女備繇英經夜合珍木入
宵炕爾雅守宮槐
葉書鼎宵炕啓牖冰紗綠開奩粉拂黃話纔分款曲見乃

道勝常即事憐聰慧那教別慨慷揭來要漢艾塊獨泛沙棠
送遠歌三疊銷魂賦一章兜鞵投暗室卷箔指昏亢命續同
功縷杯餘九節葛截筒包益益智消食餉檳榔膠合黏鸞鳥丸
堅抱蛞蝓歡難今夜足憂且暫時忘本擬成翁媪無端失比
伉睫邊惟有淚心上豈無益鍼管徐抽綫闌灰淺凍幌毫尖
渲畫筆肘後付香囊訣絕分溝水纏絲解佩璜但思篙櫓折
莫繫驕驄韁惟張辭秦淑音塵感謝莊豈無同宿鴈終類失
羣羣衛黠頻開區秦衣忍用样炕蒸鄉夢短雪卷朔風零絕
塞綠蠟螭叢祠弔好蛩刀環歸未得軌革兆難彰客乍來金
鳳書猶報白狼百憂成結轆一病在膏肓峽裏瑤姬遠風前
少女殃款冬殊紫蔓厄閨等黃楊定苦遭謠詠憑誰解迭邊
榿先為檀斫李果代桃僵口似銜碑闕易司刃

術士團土少媧皇翦紙招南國輸錢葬北邙春秋鷓蟀換來
往鶯鳩搶油壁香車路紅心宿草岡崔徽風貌在蘇小墓門
荒側想營齋奠無聊檢笥筐方花餘莞弱文瓦失香姜扇憾
芳姿遣環悲柰女亡玉簫迷處所錦瑟最淒涼東竹攢心曲
淒塵眯眼睚轉添詞悵悵莫制淚浪浪慢卷絢空壘鈴淋雨
正缺情深繁主簿癡絕顧長康永逝文悽戾冥通事渺茫感
甄遺故物怕見合歡牀

上章闈茂

寄懷李

因篤

鴈門北上忽西還未得相逢一解顏傳道全家依渭曲幾時
匹馬出潼關樽前舊事憑誰說篋裏新詩待爾刪三載齊東
留滯日愁看李白讀書山

送謝燦入燕

記昔別君時太原風雨梁公祠五年不一見顏色揭來濟上
樽重持學人相顧徒草草白髮青燈且傾倒歷下亭前柳滿
汀塵沙又走長安道人聚散絕可憐吾將歸種梅溪田夏
蓋山南湖水北扁舟期我知何年

同紀處士

映鍾

杜太史

鎮

譚舍人兄

吉璉

集孫侍郎

承

澤研山齋四首

勝序愁初豁高齋近許過圖書留客少花藥閉門多興每耽
丘壑衣從挂薜蘿千秋論述作出處本同科

啓事東曹後名山歲月深論交半縫掖真樂在抽簪遠有忘
年約虛陪作者林寥寥知己語一一感人心

野趣行無次林棲坐不辭書看金薤出杯喜竹根持戶牖分

今古朋游隔歲時齊東回首望最憶虎頭癡

謂顧子炎武也

改席塵逾遠看花徑轉幽猶存漢金石不廢晉陽秋客已呼
沉醉誰當續後游六街分手緩歸騎夕陽流

九日集刺梅園松下送譚七舍人之官延安四十韻

秋氣薄林木

南海程可則周量蕭條鴻鴈天他鄉仍令節

敬離筵客盡東南美華亭高層雲鮑情因去住懸黃花分漢苑長洲

申穰枝旆綠酒自吳船繫馬斜陽裏嘉興李良年曹班荆古樹前枝

撐寒雪厚山陰沈省范康臣榦走老龍纏空翠垂垂落江都海懋麟季肉層

陰的的圓旅懷長戀此嘉興譚吉聰舟石幽興豈徒然歲月風塵換

可則川涂夢寐牽相逢曾幾日鼻尊回首憶當年慷慨荆軻筑層雲

飛揚祖逖鞭一官乘絕障穰雙闕動行旃入維名元重良年臨關

汝最賢蒲桃隨馬至省范鸚鵡得人憐地險榆為塞懋麟原荒

鹵作田由來秦上郡吉聰遠接漢居延百戰山河舊可則單車騎

吹闌自應思魏尚鼻尊那復羨張騫美政知無敵層雲雄文孰與

傳龍山爭穰縷穰鳳閣尚留連勝事歸圖畫良年長歌當管絃

江淹魂已黯省范顧愷技誰先銀燭燒林黑懋麟金盤范露鮮霜

螯范充海族吉聰香橘摘江煙麴米封鱗細可則更房范鬢偏幾忘

身是客鼻尊尊恰笑口流涎俊味還稠豐層雲深杯莫棄范拍劇談逾

袞袞穰屢舞各僂僂聚散時難定良年交親志肯遷彈冠新得

路省范筭筆舊隨肩范作吏范今行矣懋麟專城敢任焉瘡痍何術起

吉聰井邑幾家全不問金如粟可則寧論酒是泉徵書黃霸續鼻尊

擁傳馬卿旋但遣心期在層雲無愁後會愆河流千尺練穰月

挂九秋弦坐久頻催漏良年衣輕更著縣祇緣詩錄別省范遂使

夜忘眠長短青門柳懋麟嶧華嶽蓮來朝一揮手吉聰惆悵

隔幽燕可則

題譚漢畫山水送譚七舍人兄三首

舍人佐郡出京華馬後圖書載五車欲上恒山最高頂目馴

白鹿飯松花

大漠霜流磧草枯郛筒蘆酒急須沽雲中西去黃河曲未必

山川似畫圖

桑乾九月未成橋想像關榆葉盡凋曾向鴈門三度宿人家

歷歷在山椒

壽徐侍讀元文

紫籞雲霄迴彞尊金門雨露偏羣公爭獻納李良年之子信才賢

甲第烏衣盛彞尊家聲鳳沼洽堂看遺笏在良年經憶過庭傳

儒雅矜當代彞尊飛騰數妙年九重書第一良年三策對無前

饌出仙廚美彞尊袍分獸錦鮮上陽芸是閣良年中禁木為天

苑柳晴相映彞尊宮鶯歲屢遷星軺馳漢節良年驛路入秦川

得士皆殊絕彞尊難兄編修更接聯遙聞臚唱日良年正值使車

旋兩到須迴轍彞尊雙丁足比肩把文同謝舅良年謂顧子染翰

失張顛賓至交珠履彞尊朝回並玉鞭連枝真不易良年初度

乃居先南斗神仙錄彞尊西清侍從員黑頭誰得似良年青眼

獨依然歷下尋山屐彞尊江干載酒船因人慙入洛良年結客

重投燕不謂迎縫掖彞尊翻教起晝眠茱萸猶結佩良年醺醪

此開筵瓊進崑山玉花明祕省甄彞尊幽歌應可續良年比調

有新篇彞尊

酬潘未

燕京秋九月雨雪紛紛潛潛初晴出戶去延望西山崖薄衣先

苦寒炙背返荆柴晚聞僮僕語有客叩吾齋新詩題紈扇留
贈出中懷臨風百過誦音響一何佳泠泠朱絃瑟調必宮商
諧壯哉四方志獨權浮江淮傷禽戢羽翼鳴鹿求其儕河東
衛先生簡討既齊埽室道南街希音辨元始望古窮津涯同聲一
相應衆說誠可排爾雅及三倉豪髮未嘗乖伊余去鄉國萬
里敝青鞵媿之洛生詠徒觀泰山紫萐玉聞琳瑯披雲豁塵
霾譬彼同岑草所惜在根芽願貞歲寒期簞笠行相偕

贈朱十

吳江潘 未次耕

天台拔羣峰東壁輝列宿南州盛衣冠之子為領袖傑然
雲霄姿大履資結構匏瓜悲天懸井洪惻寒飈間為蘇門
嘯善作伶倫奏大雅還初元風騷獨馳驟峨峨春明門英
賢畢來轅高齋埽晴雪玉山驚邂逅聞游泰岱還應宿天

門岫日輪湧樽桑幾時割昏晝僕本同岑人折麻欣有舊
才非士龍奇齒是公明幼偶然弔燕昭金臺暫停留方辦
五嶽裝青精煮糧糗何日相提攜蓮峰掇三秀

壽申檢討涵盼

東山零雨別不見忽三年再作京華客重逢獻壽筵歲星方
朔並午夜望舒圓滿把黃花酒誦歌九月篇

慈仁寺夜歸同李十九良年對雪兼有結鄰之約

暝色辭沙界蓬門更埽除數錢燈下酒入饌雪前魚遠作比
鄰約相連水竹居扁舟當此夜來往意何如

孫少宰塾室觀吳季子劔四十韻

窮冬塾室寒重局晝飛雪嘉慶元年武曾役車雖已休客子遠
相挈鼻尊蕭然主人意示我太古鐵吳江潘未次耕黯淡四座光

糝糊百夫血上海蔡湘竹精氣所結聚入手詎敢褻良年摩挲讀
遺銘千春字不涅羣尊始知延陵佩曾挂徐君碣未金碧爭毫
芒雨風助嗚咽湘歲久蠟就頰中作黍米缺良年段冶難為良青
白氣先竭羣尊首廣信參分身重裁七錡未丸丸初莖長衍
行漸後設湘制類銅虎符質並蒼水缺良年其文雜蟲魚其
體蔓瓜瓞羣尊蜿蜒蛟螭纏錯落星宿列未當其鑄始成見
者皆骨裂湘洪鐘無聲拂堅玉應手切良年拭用華土良淬以
江水冽羣尊一充君子服遂使雌雄別未神靈相護持鬼物盡
整躡湘試宜借諸離相必經歐薛良年適楚羞湛盧制越定
姑蔑羣尊神物不虛歸抗首想前哲未紛紜春秋季推刃相
篡竊湘何為藐千乘脫屣意不屑良年遠繼讓王風近慕子
臧節羣尊投分寄縞帶達音在樂闕未寸心義所要存沒傷

中訣湘留贈物則微高誼泉壤徹良年古樹風蕭蕭下為狐兔
穴羣尊何期陵谷變土花未云齧未依然出人間百代共傳
閱湘題字勸孔碑裝炭談越絕良年接未驚窮未干霄飲雌蜺
羣尊雄思崆峒倚利想犀兕截未是物洵希有寧許膜眼別
湘博物賴張華造書辨臣頡良年豈為馮生彈聊效莊叟映
羣尊感我壯士慷慨懷中腸熱未持之被不祥可以當桃荔

湘

雪牕

寒威凌夾牕夜色不可揜羣尊初疑弦月駐載驚鄰燭燄蔡湘
漏鼓凍欲沉荒雞號已漸羣尊攬衣訝手敲出戶怯風颭湘
朔氣何稜稜同雲猶淅淅羣尊飢鷹距未擊啁雀羽齊斂湘
老樹壓更高遙岑明復暎羣尊灑壑過冰泉浮空露仄湘

僧閒梵未放磴滑樵愈險羸尊恍若玉井峰蓮花冠郊陝湘
中田從射兔北園宜載儉羸尊銚冷生濕煙草枯覆叢蕪湘
近須爐火圍遠愛酒旗閃羸尊就市沽芳馨傳杯瀉激灑湘
元叔囊垂空平仲豆猶掩羸尊旅思話歸吳扁舟懷入剡湘
東薪硯初炙柴几翰斯染羸尊形兼洛陽臥跡異昌黎貶湘
撒鹽擬詎工授簡賦何諂羸尊郢曲有和歌殊鄉聊自慊湘
雪中過程五倉部同李十九蔡大賦二首
長安風雪後歌舞閉門重客子誰能記倉曹獨許逢窓寒留
炙硯日暝坐聞鐘更約尋香閣西山對曉峰
令子趨庭早深杯勸客揮愛看如意舞判倒接羅歸易酒行
無算吳鹽撒漸稀憑將紅燭淚試作鳳凰飛

壽何侍御

元英

東閣寒梅放西山霽色澄騷人日初度朋酒歲相仍頌魯期
難老歌函信有徵名先柱下史官亞殿中丞禮自猶龍擅謠
聽避馬曾城南瞻斗極前北粟霜稜敢諫虞箴在籌時國寶
增文宜蠲瑣細弊力埽榛芳水早謀誠切徵輸法可承朝廊
需至理駟驗必深懲疇昔雙龍闕逶迤四牡乘桂林銜羽節
勾漏問丹秤嶺外收區冊舟中慕李膺含香持國計聚米佐
軍興允矣資喉舌良哉寄股肱人倫誰比似意氣益飛騰八
顧三君並千金一諾憑聯詩過沈范愛客邁春陵勝日交珠
履高齋冒紫藤對門深徑轉開閣小山層畫得滄洲趣書傳
草聖能連蜷師衛薑妙麗奪曹蠅籤帙縱橫列爐煙遠近蒸
庭閒看玉樹道重比朱繩謬喜枌榆託相親色笑恒一行來
獻兕萬里此羸滕月尚今年滿觴同舊里稱頌椒春序近懷

核舞筵登青眼人人識朱顏歲歲凝不辭五雲裏長對九枝燈

曝書亭集卷第七

曝書亭集卷第八

古今詩十

重光大淵獻

立春日同李十九飲孫少宰執室有懷曹侍郎在里
七度辛盤會他鄉歲歲殊未知今夕讌得與故人俱舞鶴喧
庭榭飛花灑畫圖因懷鉏菜叟萬里隔春蕪

西山書所見

斜陽猶未鎖松筠雪後風清石路塵莫笑游人今歲早馬頭
山店已燒春

同作

中官墳墓碧雲齊樵客東風飲恨啼故向黃茅遺燹火亂

上海蔡相竹濤

山燒過夕陽西

臥佛寺

路入晴雲北山鼓臥佛前津梁疲已甚土木意能傳夜續林中磬春流枕外泉長安車馬客輸爾只高眠

題退谷

退翁愛退谷未老先抽簪行藥亂峰路築亭雙樹林間中春酒盞靜裏山泉音滿目市朝貴何人期此心

來青軒

天書稠疊此山亭往事猶傳翠輦經莫倚危欄頻北望十三陵樹幾曾青

鮑家寺白松歌

鮑家寺中九白松扶疎宛似桂之樹密葉陰連古殿寒霜皮

書假盤根互我來繫馬風冷然入門四顧喜欲顛巢鼓迴見鸛鶴坐醉老不數蛟龍纏長廊飯僧僧未至松子松花飄滿地半嶺平銜夕照曛雙林遠勝春浮翠其餘四株皆可娛矯矯離立空牆隅枝柯雖殊無異色知是歲寒霜雪俱山僧怪我摩挲久茗盃簾前一招手此樹今來二百年問余歲月能知否

同作

蔡湘

巖下石門苔蘚重早春已發花茸茸晚風吹墮一黃鶴棲在月明何處松

玉泉山下別瞻公

石橋風泠泠夕曛斷崖口回指翠微深山僧此分手

贈歌者陳憐二首

樂府新傳夜度孃吳衫白紵越羅裳愁看玉面燈前出笑問
銀鈎若箇藏
千鍾已分醉如泥授色留賓曲轉低想像天河猶未落長鳴
不聽汝南雞

贈冒嘉穗二首

我昔齊東住君來歷下游客亭無奈別樽酒未言愁暑雨城
西寺高林棗外樓醉歌今始得同調日相求

盡說移居好投詩給事莊松筠深不見丘壑興何長夜燭攤
書坐春醪並馬嘗追隨吾更數知愛接輿狂

何侍御

元英

招同高上舍

層雲士奇

繆處士

永謀

趙

舍人

隨

鄭舍人

宣

飲刺梅園松下四首

禁煙高詠遍龍潭未得同游祇自慚小榼春風攜最好又騎

驄馬到城南

客來隨意便圍棋細草空園席屢移憶過松陰三度醉未如
此會恰花時

吾家池上雙槐好此樹連蜷想像間最喜諸公盡吳語一時
把酒話鄉關

離筵九日記曾開送客西征上郡隈正向樽前論往事不知
天外一書來

庚戌九日集此送譚七郡丞兄是日適得榆林來札

周郡丞

今樹

遷太原守詩以送之兼懷傅處士

山

五馬西歸日銅符領晉陽川臨潦涇近山轉崛巒長童子爭
驂篠邦人尚詠棠憑君尋傳叟暇即過松莊

將出都門曹舍人

貞吉

黃舍人

仍緒

沈舍人

肩范

喬

舍人

萊

曹舍人

禾

汪舍人

懋麟

招同高上舍

層雲

李

秀才良年賦詩贈行口占留別

鳳池才子各翩翩攜客城南釀酒錢滿眼鶯花無奈別河梁
愁思復今年

和程遠龍尾硯歌為方侍御亭咸作即送其入粵有硯

辛卯水滸四字印
書藏黃公道周家

龍眠柱史饒硯癖篋藏龍尾開深窪雀臺古瓦詎比數石末
未許青州誇黜如純漆久欲脫粹若水玉堅新割中央私印
尚可識流傳乃自元章家騷人生年記辛卯初度肇錫名何
嘉十桴彙開見八八兩已相背無侏邪當其片石始入手重
之豈易黃金車雲峰糗糊潑急雨雪爾天矯騰修蛇東都淪
後內庫發重寶散失同紛麻赤瑚玉英半缺折物理所貴韜
其華流傳迄今六百載山骨完好無纖瑕黃公昔年在漳浦

以此注易緯蒼牙嗚呼聚散勢所必精靈呵護靡幽遐房融
有硯譯梵字遺蹟尚爾矜僧伽平公巨璞本光滑少陵野老
猶咨嗟况茲貞質世鮮兩宜為有識羣高奢前歸大滌後麗
谷顛人地下應哈呀黃海布衣嗜奇最吟成古調歐淫哇盤
空硬語難驟讀詩膽直欲凌劉又謂余吾歌子當和荅云四
座且莫諱我昔南游度大庾矜羊峽口戈船划手披煙液入
巖穴礪礪魄碗圍周遮石紋蘊秀各異狀就中最美數青花
有時精氣凝作眼碧者鸚鵡黃者鴉火輪奔處界微白宛似
蕉葉抽春芽其餘瑣細盡當辨黃龍翠羽兼丹砂爭如此石
鐵色古稜角漸去成硯硯柱史聞之忽狂叫便欲五嶺探雲
霞隋隄三月送君去柳絲藤蔓何疑筆黯然消魂萬里別長
言不覺肆滂葩

賦得官柳送人自濟入燕

官路垂楊柳春風處處青遙憐煙雨色何限短長亭送子燕
臺去遠從歷下經七橋明月夜繫纜有荷汀

紅橋

春蕪小雨滿城隈茅屋疎籬兩岸開行到紅橋轉深曲綠楊
如齊酒船來

題何氏書樓

屢醉齊東酒曾開薊北書林泉尋舊好瀟灑勝吾廬簾額仍
通燕堂坳亦有魚蘭成擅詞賦宜作小園居

早

水潦江淮久今年復旱荒翻風無石燕蔽野有飛蝗桎桔懲
屠釣槽巢迫死亡虛煩乘傳使曾發海陵倉

送越孝廉闈入楚兼作廬山之游

蕪城相見惜蹉跎又送雲帆楚澤過九疊屏風何處好三湘
芳草至今多尋山應得逢匡俗作賦還看壓景瑤準擬歸來
秋月滿樽前同聽大堤歌

逢周侍郎亮工二首

悵別西湖曲重逢又十年艱難增旅話傾倒共詩篇春遠仍
題扇江寒未放船甘棠留名伯聽取舊歌絃侍郎曾觀
察揚州

阿戎頻問訊公子燕晉兩鄉俱道已甘三黜家從泛五湖登

臨山屐在存沒酒人殊感王獻定胡
介諸舊游也白髮明燈裏飛揚不可無

酬彭師度三首

燕郊春雨灑塵輕我唱驪駒子送行回憶酒人天外隔不知
舟楫下蕪城

艾家橋北論交日回首星霜十九年祇向天涯相送老新詩
讀罷一淒然

竹西酒市接平山燈下妖姬十八鬟留取霜紈調錦瑟紅橋
一曲送君還

送柯大

崇樓

還里兼寄周

質

渡淮三月滯江都送爾歸尋舊酒徒十幅蒲帆鄉樹杪夜船
聽雨到南湖

送葉上舍

寄崇

之睢陽

昔游同鼓山陰權我年方壯君尚少紅妝隔座送藏鬪君醉
宵眠我狂叫江湖轉眼遽離羣東尋百越西三雲幾回落拓
來燕市秋草金臺共夕曛君今三十猶貧賤吳楚山川遠游
遍天涯聚散二十年鄉里何曾一相見酒人燕市愛君詩置

酒邀君必我期城東城西夜漏午呼僮僕被恒相隨謂當同
醉椒花酒夜雨新年翦新韭豈意驪駒忽在門贈行不待春
楊柳黃塵千里盧溝橋朝雲慘淡風蕭條短衣匹馬睢陽去
正值梁園雨雪飄平臺滿目皆孤兔對雪相如可重賦若見
當壚勸酒人也應憶我長安路

譚孝廉十一兄

瑄

歸自楚粵訪予維揚喜成三首兼

懷郡丞七兄

吉璉

在榆林

鄉園十載隔相對總殊方髮短愁先鑷杯深喜益狂寒梅探
庾嶺秋草下涪陽未暇歸三徑明燈話射堂

柳岸舟同汎蕪城草乍班望衡曾九面夢雨得雙鬢車騎將
休汝榆林欲度關雕蟲何足尚辛苦羨名山

十月邊城路曾傳上郡鴻弟兄三歲別夢寐幾人同望遠平

山隔懷歸舊業空回思童穉日誰料各西東

雪霽同周儀部

襄緒

對酒康山二首

一簣城隅出千家雪後勻江湖談往事絲竹老斯人

謂對不山也

厭尋幽晚惟應對酒頻寒梅意蕭瑟想見武功春

樽前橫蜀嶺鳥下起吳歌繫馬從星使憑軒覽漕河雪深花尚發風急鴈翻多有約江春到行廚次第過

玄默困敦

題竹垞壁

買斷竹垞將四載園林新筍未經嘗今來散帙時初夏忽見抽梢喜欲狂背市有人酤濁酒南鄰許我借匡牀江村臥穩真堪樂愁說燕雲射獵場

雨度仙霞嶺三首

縹緲江郎石朝來竟不分客愁偏暑雨祠古但寒雲小市兵戈盡飛泉上下聞泥塗雖自苦暫喜遠人羣

岸缺人猶度橋迴徑轉偏古苔緣樹上密竹聚峰圓白袷晴還濕青鞵暮屢穿笑看茅屋近編筏渡溪煙

仙霞高不極半嶺一雲平倚杖驚吾老攀崖羨客行經心蒼蘚滑照眼白花明回首楓林暮先秋葉自鳴

題福州林秀才竹亭

道南移宅後蕭瑟草堂貴尚有孤亭在堪歌伐木詩翠兼梧下竹黃坼圃中葵最愛涼風滿無煩羽扇持

泰安道中曉霧

苦霧滴成雨平林翳作峰不知巖際寺恰送馬頭鐘汶水已爭渡泰山猶未逢忽驚初日躍遠近碧芙蓉

重陽前一日沈晔日鮑夔生載酒柯氏園亭同諸子

分賦兼感舊游成二十韻

水竹通三徑星霜隔幾年悲歌同調續秋色異鄉先葉落交
簷樹雲寒欲雨天解鞍嘶騎擁載酒麴車連席嚮西南上杯
行少長前從容寬禮數傾倒迭詩篇楚舞何相似秦風亦有
焉吟看吳會並交取性情便二子真同好相期幸未愆臨池
良不厭舍坐屢教遷破帽垂垂落疎簾處處懸籬花平綴錦
沙鴈小如拳薄暝爭投轄提壺更數錢風燈升降影茅屋去
來煙衰藉囊萸早宵因說餅延塵埃驚老大身世益迤邐尚
憶班荆地曾開送別筵舊游惟沈岸登鄭培遠夢各山川榆
塞橫汾曲譚七郡丞兄
吉穆潘二未蠶叢桂竹偏高層雲
李良年中郎遺爨笛蔡湘
歎逝轉悽然

柯將軍園亭即席分韻送柯三維楨還嘉善

匹馬嵩陽返曾探玉女崖征衣猶雨雪歸櫂復江淮客有悲
歌獨文傳別賦皆葛疆池上月後夜不勝懷

送計孝廉東還吳江

三年歸計總蹉跎日見輕舟下潞河君去登高誰對酒空憐
秋色異鄉多

送陳鈺之青浦

憶同九日登高讌益信陳琳最善文易水自來長送客詞人
且免學從軍帆飛薛澗連鄉樹鶴下華亭劃海雲吾老思歸
猶未得天涯歲月總離羣

送汪戶部琬還長洲

殊方動惜故人違聽唱驪歌淚暗揮白下乍傳星使返江東

忽見步兵歸苔華徑曲藏書屋蓮葉舟輕上釣磯不獨文章
今日少誰能未老念荷衣

送陳叟南歸

軍都關口朔雲凝羨爾臨行匹馬登歸向高陽逢舊侶銜杯
試話十三陵

昭陽赤奮若

人日謁景皇陵

重湖裂帛已流澌岸柳三眠又一時尚有寢園開夕照每逢
人日撫殘碑童童獨樹栖禽少冉冉長途下馬誰回首昌平
山近遠裕陵松柏總淒其

同劉侍郎

芳躅

入大房山時劉編修

芳詰

養疴山中

八首

羣峰迴合靜飛塵野杏山桃各自春不共南陽劉子驥花源
一望已迷津

丹梯直上與天連鐵鎖垂垂百尺懸安得山中十日雨石門
一道迸飛泉

帝城回望隔峰霞蘭若松門自歲華剩有紅羅宮監在香臺
猶禮九蓮花

上方層閣少經過猶有樵人樹杪歌試乞山僧老藤杖天風
扶上摘星陀

解道劉伶善閉關田衣竹杖此躋攀長安車馬紛無數誰肯
高居六聘山

春風依舊野棠紅麥飯僧廚餉客同不用三車頻問法白頭
試話玉熙宮

定公八十後，猱捷峻嶺，何曾策杖遊。邀我遠登龍虎峪，翠巖
天半結飛樓。

羊何此日和歌成，夢草池塘句更清。刻取谿亭雙櫟樹，千春
長識謝公名。

過何侍御丹臺書屋二首

一飯長安地，先生許數來。牕虛同畫舫，徑盡出丹臺。風幔宜
斜卷，庭花獨早開。但令施枕簟，日日此銜杯。
宛在山茨下，層陰翠小亭。花移大房茜，石帖太湖青。筆斷何
妨續，琴歌亦可聽。閒來須賭墅，一為寫黃庭。

送喬舍人萊還寶應

今秋甲子雨不絕，小池殘暑風淒淒。棧車難行瘦馬滑，終朝
兀坐愁雲低。有客上書臨欲去，折簡招我斜街西。房山香醪

貯一石，浮以斛角，暹羅犀。定州瓷盃白如雪，津門紫蠟團霜。

臍坐中曹舍人，汪舍人意氣古杜詩，韓筆名相躋草堂。圖畫凡

幾幅，酒酣並起爭留題。龍竿寺旁射陂曲，中分一水名柘溪。

君家嚴君侍御可聘，此游息翠煙繚繞。含晴霓王官谷，深城府隔

武陵花發時人迷。只今八十尚健飯，過橋不用扶青藜。郵籤

此去秋未晚，籬邊圓菊黃。花齊連江峭，帆檻外落一雙。老鶴

階前栖衡門，啓後綵衣入。定使眼膜開金篋，桓山四鳥雖折

翼時舍人，循陔庶免心酸嘶。兼珍之膳娛永日，靜觀節物移

暄萋。嗟余旅食尚淹滯，懷鄉未得瞻秦稽。送君沉吟數長路，

寸心千里隨輪蹄。維揚稷稻美自昔，邇來厥土仍塗泥。灣頭

清水聞更決，上流未築歸仁隄。千村廬舍總昏墊，可知鴈戶

猶悲啼。漕船萬斛輓不上，荒岡斷岸何繇梯。太倉紅粟漸已

貴曷歸長水親鉏犁期君歲暮白田上班草城南手重攜

和韻送徐編修乾學還崑山

潞河臨發動晨颺惜別重歌折柳辭前席定來宣室召蹇驢
仍借杜陵騎秋深準續登高約月出應懷對酒時賓從玉山
知不少相思定寄草堂詩

藍秀才見示劉松年風雪運糧圖

潞河十月櫓聲絕連檣如薺啼飢烏層簷炙背苦岑寂有客
示我運糧圖遙峰隱隱露積雪村原高下紛盤紆千年老樹
風怒黑寒葉盡脫無纖枯人家左右僅茅屋傍有水碓臨山
廚秣糠旣揚力輸稅安有甌石存桑樞大車檻檻四黃犢疾
馳下坂尋修塗嗟爾農人歲已暮婦子不得相歡愉披圖恍
見南渡日北征甲士連戈及當年諸將猶四出轉粟未乏軍

中需同仇大義動畎畝輸將豈畏胥吏呼始知繪事非漫與
堪與無逸豳風俱古來工執藝事諫斯人畫院良所無嗚呼
斯人畫院良所無不見宋之君臣定和議笙歌晨夕游西湖

席上贈陸生三首

江東陸弟擅風流負笈今為萬里游畫取燕臺山近遠黃雲
白雪一時愁

芳筵鮭菜故鄉同刻燭藏鈎漏未終閉戶須為十日飲銜杯
最愛百分空

風雪寒凝老樹枝蟹螯深夜且同持前身定是周邦彥醉裏
能歌片玉詞

夢硯歌為汪舍人懋麟作

我怪汪舍人臥疴懶朝參眼前富貴非所好惟於載籍偏沉

酣無錢可糴太倉米僮僕入市心懷慚舍人舒膝方晝寢如
蟲食蓼翻知甘忽然夢入無人區廣庭巨室何訖訖中羅石
硯十有二一就視煙雲含鼉磯苦堅龍尾滑洮河水玉徒藍
穴深詎若矜羊峽中質青花白葉波滄涵良璞得一亦已足十
二盡取毋乃貪覺來伏枕賦長句中心惆悵真難堪為語舍
人且莫貪高要峽路吾能諳昔年著屐入巖穴親斲山骨施
斧鑿黃金盡散要不惜一百八石巖前擔自從輕舟發大庾
篷牕一日摩抄三榜人潛窺竊其九餘歸見者爭來擣眼看
美好盡已去何況夢寐侈空譚舍人翻然釋惆悵留余濁酒
開新壘統如漏鼓猶未起起時月落天西南

龔尚書輓詩八首

坤維初震後元老忽淪亡

九日地震越三日公沒

已定春帆計翻教夜壑

藏把杯人未散戀闕意堪傷盛德今徂謝悲看大鳥翔

西掖存封事南天返使車位仍三獨坐職半六尚書典禮真

無忝論文畫不如最憐羣弟子入揖共欹歔

九日龍潭讌招尋自此休

公每歲九日讌客賦詩於黑龍潭

遲歸因酒債垂死

及山游

九月七日公扶病遊萬壽寺

別袂何曾把

時余赴通州

詩篇總未酬重來

清淚迸風急總惟秋

京華留滯久恒苦出無車記憶惟公切過從聽我疎頓忘何

日別急簡舊時書剩有雷塘句臨歧襍飲初

辛亥上巳余從京師至揚州公以詩贈行

墨自臨池妙詩先過嶺工換鸞何太苦刻燭未教終匹練題

長遍聯篇思轉雄要知作者意肯與古人同

別有新詞麗樽前賦物華歌翻舊桃葉笛按小梅花檀板柳

三變金荃温八又江南腸斷句回首向誰誇

公最賞余阻風湖口詞

含玉遺孤在招魂上客存天邊丁令鶴夢裏謝公墩笳吹將
歸路田廬何處村應同鍾太傅丙舍寄諸孫
已輟青門餞空憐白馬留九京應萬里百口但孤舟逝矣名
須易傷哉涕莫收寄聲縫掖賤休作帝京游

送龔孝廉

宜生

掌教涿州

圖經雄涿鹿壁沼亞橋門錦里仙人水樓桑帝子村詩傳頤
盡解官冷道彌尊不遠房山麓相期泛竹根

九言題田員外

變

秋汎圖

田郎與我相識今十年新詩日下萬舌爭流傳黃塵撲面三
伏火雲熱每誦子作令我心爽然開軒示我秋汎圖五丈鴨
頭畫出宛似吳中船大通橋北官舍最湫隘箕筥斗斛囊橐
羣喧闐他人對此束縛不得去田郎掉頭一笑浮輕漣疎花

蒙籠兩岸渡頭發蹇驢蹶躓百丈風中牽五里十里長亭
短亭出千絲萬絲楊枝柳枝眠當其快意何啻天上坐酒杯
入手興至吟无顛慶豐牖口自有此渠水未知經過誰子曾
洄浴倉曹題柱名姓不可數似子飛揚跌宕具無前長安酒
人一時賦長句我亦對客點筆銀光牋蓬牕寂寞不妨添畫
我從子日日高詠秋水篇

寄懸公

竹外繩橋渡口鐘別來消息五春冬南湖虛有煮茶約下若
幾曾歸櫂逢去鴈書成難問訊愁猿路險怯過從衰年願得
精廬近須卜橫山第一峰

曝書亭集卷第八

第35655号

平成 3.11.22

聖和学

928

園短大

15

図書館

3

明書子集卷二

三

第3252号

平 3.11.55

第	第	第
大	大	大
第	第	第

通

